

390921

Mag. St. Dr.

390921

I

74.
4
5
2.

R



J

Pro

E
O

YE

RUDIMENTA HISTORICA,

S I V E *8^m 16*

Brevis, facilisque

METHODUS

Juventutem Orthodoxam

notitiã Historicã

imbuendĩ,

Pro Gymnasiis Societatis JESU

Auctore

Ejusdem Societatis Sacerdote.

OPUSCULUM PRIMUM

Historiæ Biblicæ.

L U B L I N I

Typis Collegii S. R. M. Societatis JESU,

Annô Domini 1761.

2
—
PRÆFATIO.

LUcubratiunculam hanc, & quas deinceps
LEO auspice typis vulgabimus, non erudi-
torum, sed tyronum duntaxat usui destina-
mus, compendiariâ quadam ostensâ viâ quam
hi sine pensâ scholastici, aliâs persolvendi, de-
trimento inoffenso possint pede decurrere. Hinc
methodo usi sumus jam olim à Ven. P. Canisio
nostro usurpari solita, utpote rudium captui in-
primis accommodata. Nec pauca hic consultò o-
missimus, quæ alii fusè pertractant: multa etiam
cursum ac breviter attigimus, quæ prudens Præ-
ceptorum supplebit industria, discipulorum orexin
ita excitando, ut nimia rerum copiâ nauseam ne
moveant. Aditæ quoque suis sunt locis histo-
rica quadam observationes, ut juvenus jam
nunc assvescat non in nuda duntaxat rerum nar-
ratione, velut cortice hære, sed ipsum adeò nu-
cleum, sub ea latentem, vestigare, utilissima rectè
& sentiendi & vivendi documenta inde eruendo.
Ceterùm usus ipse ac experientia docebit brevi,
quid hisce opusculis addendum, quid demendum
videatur. Nobis sufficiat methodum prævisse,
qua rudis adhuc ætas manu quasi ducatur ad
historicum illud stadium propè immensum alacri-
ter ingrediendum. De Chronologia porrò, & a-
liis, in quibus ipsimet Scriptores Catholici hodie-
dum inter se discrepant, nihil in medium affere-
mus, quod Auctorum probatissimorum, testimo-
nio confirmari non possit.

Parti

1960 K. 1574
3th. Jan



Partitio hujus Opusculi.

P A R S I.

De Patriarchis ante Diluuium.

Cap: I. De Creatione mundi, & lapsu Adami:

§. I. Creatio mundi. II. Adami lapsus & supplicium.

Cap: II. De Adami Posteris usque ad diluuium.

§. I. De Abele & Caino. II. De Filiis DEI & hominum. III. De diluuiio.

P A R S II.

De Patriarchis post diluuium usque ad Abrahamum.

Caput I. De filiis Noemi.

Caput II. De turri Babylonica.

P A R S III.

De Patriarchis reliquis usque ad Judices Hebraeorum.

Caput I. De Abrahamo.

§. I. Abrahami res gestæ ante natum Isaacum.

§. II. Ejusdem res gestæ post natum Isaacum.

Caput II. De Patriarchis Isaac & Jacob.

§. I. Isaac. §. 2. Jacob.

Caput III. De Patriarcha Joseph.

§. I. Joseph res gestæ ante venditionem.

§. II. Eiusdem varia fortuna in servitute
Ægyptiaca.

§. III. Eiusdem ad summas dignitates pro-
moti, clara facinora.

Caput IV. De iis, quæ Isrâëlitis à morte Jo-
sephi evenêre.

§. I. Isrâëlitârũ in Ægypto servitus & vexatio.

§. II. Liberatio eorundem per Moysen.

P A R S IV.

De Judicibus Isrâëlitârũ, eorumque regimine.

Caput I. De 40. annorum profectioe populũ
Isrâëlitici per desertum Moysæ ductore.

§. I. DEI erga gentem Hebræam beneficia.

§. II. Eiusdem cum alia, tum ingrati præci-
piæ animi crimina.

§. III. Supplicia eidem à DEO irrogata.

Caput II. De Judicibus post obitum Moysis us-
que ad Gedeonem.

§. I. Josue. §. Othoniel, Aod, Debbore, &
Barac.


Caput III. De 8. Judicibus proximè succeden-
tibus usque ad Samsonem.

§. I. Gedeon. §. Abimelech, Thola, Jair, Je-
phthe, Abesân, Ajalon, Abdon.

Caput IV. De 3. postremis Judicibus.

§. I. Samson. §. Heli & Samuel.

P A R S V.



P A R S V.

Reges Hebraeorum.

Caput I. De Rege Saule.

§. I. Saulis res gestæ, ejusque repudiatio,

§. II. Saulis à DEO reprobati facinora.

Caput II. De Rege Davide.

§. I. Davidis præclara initia, ejusque lapsus.

§. II. Pœnitentia & vitæ exitus laudatissimo.

Caput III. De Rege Salomone.

§. I. Salomon Regum sapientissimus.

§. II. Idemque insipientissimus.

Caput IV. De Regibus Israëlitarum.

§. I. Novem Reges Israëlitis usque ad extirpationem impiæ stirpis Achab.

§. II. Reliqui decem Reges Israëlitarum usque ad regni illius interitum.

Caput V. De Regibus Juda.

§. I. Duodecem Reges Juda à Roboamo usque ad Ezechiam.

§. II. Octo Reges Juda usque ad captivitatem Babylonicam.

P A R S VI.

De Captivitate Babylonica, & que post hanc usque ad Hierosolyma excidium contigere.

Caput I. De captivitate Babylonica sub Monarchis Assyriis.

Caput II. De rebus gestis Judæorū sub Monarchis Persicis.

A 3

Cap: III.

Caput III. De iisdem sub Monarchis Græcis.


§. I. Judææ status tempore Alexandri.

§. II. Ejusdem varia fortuna sub Regibus Ægyptiis.

§. III. - - - sub Monarchis Syriis.

§. IV. - sub Hæbræis Pontificibus, regium sibi titulum vindicantibus.

Caput IV. De rebus Judaicis sub Monarchis Romanis. Appendix de excidio urbis Hierosolymæ.



ISAGOGE,

SIVE

Præviæ quædam Quæstiuncula
De Historia generatim.

1. *Quid est Historia?*

Est rerum ab orbe condito ad hæc usque tempora gestarum notia, & commemoratio.

2. *Quotuplex est historia?*

Est præcipue duplex, sacra scilicet, sive Ecclesiastica, & Profana, sive Politica.

3. *Quid est historia Ecclesiastica?*

Est notitia rerum, ad Ecclesiam & Religionem, ejusque cum propagationem, tum infectionem, aliasque hujusmodi vicissitudines pertinentium.

4. *Quid*

4. *Quid est historia Politica?*

Est rerum in statu ac ordine Politico, belli pacisque temporibus gestarum notitia.

5. *Cur in historia studiū precipuè incumbendū?*


Quia præter singularem animi oblectationē ad scientias plerasque omnes, imò & quotidianam vitæ consuetudinem non utilis modo, sed planè necessaria est.

6. *Quid ergo potissimum ex Historia discimus?*

Docemur inde 1. summam DEI sapientiam & providentiam ubique agnoscere, mirari, atque adorare, utpote quæ in hoc mundi theatro tam mirificos rerum eventus identidem nobis spectandos exhibet. 2. Quanto DEUS amore ac beneficiis bonos persequi, tutarique; quanto verò odio ac suppliciis afficere improbos seriùs citiùsq; semper consueverit. 3. Perpetuæ rerum conversiones ac vicissitudines, quas omnes loquuntur historiæ, evidenter demonstrant, quàm fluxa & inania sint terrena hæc omnia, atque adeo quàm parvi, imò nihil facienda. 4. Tam proborū virtutes, quàm vitia pravorū, qui ætate nos antecessere, speculī instar nobis sunt, in quo clarè dilucideque possimus perspicere, quid agendum nobis, quidve cavendum sit &c.

7. *Cur historia notitia hoc maximè tempore est necessaria?*

Qui hoc præsertim tam erudito, ac delica-



to seculo, cum viris honoratioribus versandū est, stupiditatis atque inscitiz notam effugere vix potuerit, nisi historiarum notitia non mediocri fit imbutus.

8. *Quibus adminiculis comparanda historia notitia?*

Sedula Magistrorum auscultatione. lectione non vaga & confusa, sed certa & destinata, ac iterata eorum, quæ quis legit, audiitque, ruminatione.

Quid tyroni & candidato historia præcipuè attendendum?

Ut totius historiz seriem quandam, ac præcipuas rerū, regnorumque mutationes & temporum periodos cum Chronologia accuratè observet. In subsidium quoque vocanda Geographia; hanc enim & Chronologiam geminos Historiz oculos merito quis dixerit. Tandem adolescentes jam nunc ex actis præsertim memorabilioribus observationes varias, & documenta ad mores formandos idonea colligere, atque alieno periculo sapere discant.



LIBER I.

HISTORIÆ BIBLICÆ.

Proœmium.

1. *Quibus de rebus præcipuè meminit hæc historia?*

De iis potissimum, quæ à mundi primordio ad CHRISTI adventum populo electo evenère.

2. *Unde haurienda historie hujus notitia?*

Ex veteris Testamenti libris, qui DEO dictante, à Moysè, Josue, Samuele, Esdra, aliisque sacris scriptoribus sunt litteris consignata.

3. *Cur in sacra hæc historia primum ac præcipuum ponendum est studium?*

Eam ipsam ob causam, quòd instinctu, afflatuque divini Spiritûs ad nostram institutionem, utilitatem ac disciplinam sit conscripta.

4. *Suntne monumenta hæc Biblica ad Ecclesiasticam potiùs, an Politicam Historiam referenda?*

Ad utramque referri possunt; si enim consideremus statum Hebræorum Ecclesiasticum, ad Ecclesiasticam; si Politicum, ad Historiam pertinebunt Politicam.

s. Qua-

5. *Quenam epocha in hac historia potissimum sunt consideranda?*

1. Diluvium annō mundi millesimō sexcentesimo sextō (1656.)
2. Vocatio Abrahæ annō mundi bis millesimō centesimo octavo (2108.)
3. Exitus Israëlitarum ex Ægypto annō M. bis millesimō quingentesimō quadragesimō quarto (2544.)
4. Regni Hebræorum exordia in Rege Saule, annō, M. bis millesimō nongentesimō sexagesimō secundo. (2962.)
5. Captivitas Babylonica annō M. ter millesimō quadringentesimō quadragesimō sexto (3446.)
6. CHRISTI Nativitas annō M. quater millesimō quinquagesimō (4050.)

6. *Quot partibus constat hæc nostra Historia Biblica?*

Sex, quæ ferè cum totidem mundi ætatibus usque ad CHRISTUM natum congruunt, suntque sequentes:

1. Ætas Patriarcharum ab Adamo ad diluviū complectebatur annos sex, & quinquaginta supra mille sexcentos. (1656.)
2. Ætas Patriarcharum post diluvium usque ad vocationem Abrahæ numerabat duos & quinquaginta annos ultra quadringentos. (452.)
3. Ætas

3. Ætas reliquorum Patriarcharum usque ad profectiōem ex Ægypto continebat sex & triginta annos supra quadringentos. (436.)
4. Ætas Judicum à Moysē usque ad Reges fuit quadringentorum ac octodecem annorū. (418.)
5. Ætas Regum à Saule usque ad captivitātē Babylonicā desiniebatur annis quadringentis octoginta quatuor. (484.)
6. Ætas Ducum & Sacerdotum à captivitate Babylonica usque ad CHRISTUM natum sexcentis ac septē annis quater mille quinquaginta tres. (4053.)

P A R S I.

De Patriarchis ante diluuium.

- In sequentibus duobus capitibus agetur 1. de creatione mundi, de lapsu, & pœna Adami.
2. De Posteris Adæ ante diluuium.

C A P U T I.

De Creatione mundi, & lapsu Adami.

§. I.

Creatio mundi.

1. *Quis mundum hunc condidit?*

DEUS cœlum & terram, & quidquid utriusque ambitu continetur, nihilo produxit sex dierum

dierum intervallo, etsi puncto temporis absol-
vere omnia potuisset. Ac prima quidem die
lucem, alterâ firmamentum condidit: tertiâ
aquas secrevit à terra, quam herbis ac stirpibus
convestitam, omne genus frugum jussit pro-
gignere. Die quarta sol & luna cum stellis,
quinta pisces & volucres, sextâ quadrupedia
& reptilia omnis generis, ac tandem homo
velut microcosmus, seu rerum omnium aspe-
ctabilium breve quoddam, ac mirabile com-
pendium est productus.

2. *Quomodo DEUS Adamum produxit?*

Corpori è terra formato immortalẽ inspi-
ravit animum, cui Divinitatis suæ quasi sigil-
lum & imaginem ita impressit, ut tres unius
animæ facultates tres unius DEI hypostasies
quodammodo exprimerent.

3. *Quid DEUS die septimo à mundi produ-
ctione porro egit?*

A novis dein rebus condendis cessavit, diem-
que hunc *Sabbathi*, hoc est quietis sibi sacrum
esse voluit, donec Sabbathi loco diem Domini-
cam, qua CHRISTUS suo ad vitâ reditu mun-
dum reparavit, celebrari jusserit.

§. 2.

Lapsus & pœna Adami.

1. *Ecquisnam locus erat Paradisus?*

Hortus erat longè amœnissimus, omnibûsque
deliciis affluens, DEI ipsius manu confitus, in
quâ

qua dux præcipue arbores eminebant, altera vitæ, altera scientiæ boni & mali appellata. Huc DEUS Adamum transtulit, facta potestate omnibus horti fructibus vescendi, unica duntaxat arbore scientiæ exceptâ, de qua ne quid decerperet, sub mortis pœna vetuit, fidei ejus ac obedientiæ periclitante causâ.

2. *Ubinam, quoque modo DEUS Evam condidit?*
In Paradiso Adæ dormienti costam exemit, atque ex ea Evam formavit, comparem & adjutricem Adamo futuram.

3. *Qui vero his tantis beneficiis ambo respondere?*
Pessime; Eva enim fraude mali genii ex serpente loquentis, inducta, vitium gustavit pomum, & virum, idem ut faceret, pellexit.

4. *Qua demum ratione veterator ille pomi prohibiti esum Eva persuadere potuit?*
Asseveraverat mendacissimus sycophanta,

nequaquam ob degustatum fructum morte, uti DEUS minitatus fuisset, eos multatum iri; quin potius plenam rerum omnium notitiam adepturos, DEOque ipsi fore simillimos.

5. *Quæ pœna hanc culpam excepit?*

Ambo innocentiae veste spoliati, mox suam & viderunt, & erubuerunt nuditatem, quam proin connexis ficuum foliis obtectum ibant. Exin DEUS auditis rejectisque putidis eorum excusationibus, suam utrique denunciavit pœnam, Evam quidem liberos suos cum dolore

paritu

parituram, virique sub imperio ac potestate futuram; Adamum verò, postquam vitæ alimenta è terra sterili ac spinosa multo cum sudore ac labore collegisset, moriturum tandem cum uxore & omnibus posteris, ac in eam, unde ortum traxisset, terram reversurum. Sub hæc ambo Paradiso æternùm proscripti, posteritatem omnem in commune secum pertraxerunt exitium.

C A P U T II.

De posteris Adami usque ad diluvium.

§. I.

De Abele & Caino.

1. *Quid, qualesque hi ambo fuere?*

Adami uterque, Cain major, Abel minor natus filius erat: hic pascendis gregibus, ille agris colendis operam dabat: Abel summa erat integritate ac innocentia; Cain contra perveris omnino moribus. Abel optima quæque DEO in sacrificium obtulit; Cain deteriora selegit; hinc DEO acceptissimum erat Abelis sacrificium; Caini verò invisum prorsus & ingratum. Id quod tantam in hujus pectore concitavit indignam flammam, ut fratrem de medio tollere decreverit; quem proinde amica in speciem invitatione in agros profectum, crudelissimè trucidavit.

2. *Quid*

2. *Quid perpetrata hac caede Caino evenit?*

Ob immane hoc parricidium à DEO vehementer objurgatus, non tantum penitentis animi signum non dedit; sed spe omni divinæ clementiæ abjecta, vagus ac profugus, quoad vixit, oberrabat, donec tandem à Lamecho abnepote suo, in sylva pro fera habitus, jaculô transfixus.

§. 2.

De filiis DEI & filiis hominum.

1. *Quinam erant filii DEI?*

Adamo in Abelis locum natus Sethus, DEO ob virtutis ac pietatis studiū apprime charus, cujus posterum erant Patriarchæ illi, qui una cum filiis, partim ob Sethum, stirpis suæ auctorem pientissimum, partim ob suammet virtutem filii DEI sunt appellati.

2. *Quinam ex his præ cæteris memorandi veniunt?*

1. Enos, Sethi filius, qui primus DEUM publicis, solemnibusque cæremoniis ac ritibus devenerari cepit. 2. Enoch, qui ob eximium avitæ religionis studium, & summam cum DEO familiaritatem, vivus ex hominum coetu divinitus est sublatus. 3. Mathusalem, qui vivendi limites, cæteris mortalibus à DEO præstitutos, longè supergressus, annos vixit non gentos sexaginta novem.

3. *Quos?*

3. *Quosnam sacer Historicus filios hominum appellat?*

Impii Caini progeniem. Cainus hic primam urbem condidit, à filio Henocho Henochiam appellatam. Jubal musicam, ejusque frater Tubalcain ferrariam, soror verò Nòéma lanificium invenit. Venatoriam primus exercuit Lamech, longe diversus à Lamecho altero, Nòémi parente;

4. *Qui filius DEI convenire potuit cum filiis hominum?*

Sethi nepotes cum fœminis, à vitiosa Caini stirpe oriundis inauspicata inière connubia, è quibus prognati gigantes, fœdissima illa scelerum monstra, quorum improbitas usque eò invaluit, ut orbis universus tunc mera esset vitiorum sentina, nonnisi ultricibus diluvii aquis eluenda. Unus Nòémus tot inter malos bonus, & in obsequio DEI constans, perstitit.

§. 3.
Diluvium.

1. *Quenam diluvium antecessere?*

Nòé vir justus ac pius, quingentos tunc annos natus, arcam, seu navim prægrandè trecentos cubitos longam, latam quinquagenos, ac tricenos altam, à DEO jubetur construere, in quam se ipse cum suis, ingruente cataclysmo, tuto possit recipere. Centum i-

plos

ipſos annos in ea fabricanda Patriarcha poſuit,
 idcirco paſſim ab omnibus ludibrio habitus,
 tanquam delirus ſenex.

2. *Quid confeſſâ demum arcâ contigit.*

Noë, comportato undique neceſſario commea-
 tu & pabulo, & omni genere animalium, aqua-
 tilibus exceptis, immundorum quidem bina,
 mundorum verò ſeptena in arcam, Dei juſſu
 & Angelorum ſubſidio, introduxit, in quam
 ubi & ipſe dein cum conjuge ſua, & tribus ſi-
 liis Semo, Chamo, & Japheto, horumque uxo-
 ribus pedem intulit, Deus oſtium foris occluſit.

3. *Quid ipſo diluvii tempore factum?*

Quadrageſima dies nocteſque continui tam im-
 bres, quàm rivi aquarum ruptis cœli cataraſtis,
 præcipitârunt, mariæque inſuper omnia, & quid-
 quid aquarum in terræ viſceribus latebat, tan-
 to ſe impetu effudere, ut non orbem tantum u-
 niverſum inundârint; ſed altiſſimos montium
 vertices quindecim cubitis ſupergreſſa, quid-
 quid hominum pecorumque terram hanc inco-
 luerat, ſubmerſerunt, ſolis, quos arcæ Deus in-
 cluſerat, ſalvis relictis, anno ab orbe condito
 ſexto & quinquageſimo ſupra milleſimum ſex-
 ceſimeſimum. (1656.)

Quâ tandē Tragedia hæc caſtrophæ habuit?

Centum & quinquageſima diebus elapſis, quibus
 totus terrarum orbis immenſi oceani inſtar un-
 dique reſtagnaverat, Deus immiſſo vento cali-
 do ac vehementi, aquas ſenſim ita imminuit,

dispulitque, ut arca post mensem à cœpto dilu-
vio septimum in Armeniæ montibus conquie-
verit. Inde quarto post mense Nøemus pri-
mò corvum, qui tamen carne, credo morticina
illectus, reversus non est, deinde columbam
post dies septem exploratum miserat, quæ, cum
non haberet, ubi pedem figeret, arcam mox re-
petiit, septimaque post die denuò dimissa, vi-
rentem oleæ ramum retulit, pacis & cessantis
exundationis argumentum. Perstitit nihilo-
minus in arca septem alios dies Nøé. Cùmque
columba, quam tertium ablegarat, non rediis-
set, tandem ex arca, ubi per annum delituit,
cum omnibus suis egressus, sacrificium Eucha-
risticum obtulit, Deo tantopere acceptum, ut
promisso sanciverit, se nunquam deinceps mû-
dum simili eluvione castigaturum, ejusque rei
perenne signum fore arcum cælestem. (1657.)

(Observationes

Ad primam Historiæ Biblicæ partem.

1. *Cur Deus ab Adamo, mundoque dein universæ
tam severas expetiit pœnas?*

Ut omnes Adæ posterii commonefierent, quàm
grande, nec una piandum morte, sit nefas, Deo
ipsi esse refractarium, ejusque voluntati atque
imperio sese opponere.

2. *Nullusne clementiæ Divinæ locus fuit in
plectendo Adamo?*

Imò longè maximus; nam vel ante denunci-
atum,

atum supplicium Christum humani generis vindicem, ac liberatorem venturum promissit, qui malo huic remedium presentissimum allaturus esset.

3. *Quodnam, & apud quos erat regimen politicum ante diluuium.*

Patriarchæ suam quisque familiam regebant. Caini verò posteri, cum primi urbes frequentare cæperint, rempublicam ordinasse, communibus temperasse legibus videntur.

P A R S II.

De Patriarchis post Diluuium.

In sequentibus 2. capitibus recensentur, 1. tres filii Noë 2. Ædificatio turris Babilonicæ.

C A P U T I.

Tres filii Noë.

1. *Quid de tribus hisce filiis post diluuium memoratu dignum occurrit?*

Chamus Parenti Noëmo, somno vinoque, cuius vim ignorauerat, sepulto, ac indecenter denudato, procaciter illiuit, erubescens ac detestantibus fratris proteruiam Semo & Japhetos quibus proinde Noë, re intellecta, bene precatus, Chami verò stirpem execratus est.

2. *Quibus tunc terminis desinebatur hominum ætas?*

Post diluuium ne ullus quidem vitam ultra an-

num quingentesimum produxit; cū tamen prius annos amplius nongentos plerōsque vixisse constet. Imò Abrahami ætate, annis à diluvio circiter quingentis, vix ullus annus ducentessimum complevit. Vitā porrò ac viribus hominum horrenda illa eluvione haud parū imminutis, Deus ad imbecillitatis subsidium vinum & carnes indulxit, cū antehac nonnisi oleribus ac leguminibus vesci plerique omnes consueſſent.

3. *Num tres filii Noë uno semper eodemque in loco ac regione habitârunt?*

Haud quanquam; nam cū hominum numerus decentos intra annos à diluvio nimium quantū multiplicaretur, alias sibi sedes quærere cogebantur. Japheto Europa cum Asia minore: Semo Asia, quā Orientem spectat: Chama Africa cum Palæstina, & Phœnicia obtigit. Prius tamen, quam omnis multitudo in diversas mundi partes commigraret, vesano profuſu fastu turrim ædificare decreverunt, cujus apex ad cælum usque pertingeret.

C A P U T II.

Turris Babylonica.

1. *Quem successum structura hæc habuit?*

Initio sat prosperum, donec Deus insanan ædificantium arrogantiam castigaturus, sermo nis commercium inopinato prodigio sustulit linguâ, qua tunc omnes eâdem utebantur, i plu-

plures divisa. Unde alter cū alterius verba haud amplius posset percipere; cœpto erat desistendum.

2. *Quid exinde consilii capere?*

Deductis in orbem universum coloniis, varias mundi regiones frequentare cœperunt; hinc tanta nationum, linguarum, morumque diversitas.

3. *A quo populus electus originem duxit?*

Ab Arphaxado Semi filio, & avo Heberi, in cujus familia lingua Hebræa, à quo & Hebræi nomen ac genus traxere.

4. *Quis urbem Babylonem condidit?*

Nemrodus, Chami nepos, qui homines quāvis, quā dolo libertate spoliare, primusque regios usurpare titulos cœpit anno 1879.

Observationes

Ad II. Historiæ Biblicæ partem.

1. *Quæ altera hac mundi ætate rerum facies erat?*

Admodum tristis; nam paucis, qui virtutem colebant, exceptis, plerique in deterius mutabantur, præcipue cū idolorum cultus cœpit introduci.

2. *Quæ lingua post repentinam illam idiomatum permissionem etiamnum putantur esse reliquæ?*

Sequentes: Hebraica, Græca, Latina, Teutonica, Slavonica, & Tartarica, quæ matrices dicuntur, quod reliquæ inde sint ortæ:

P A R S III.

De Patriarchis reliquis usque ad Judices
Israëlitarum.

In 4 sequentibus capitibus mentio fit 1. de
Patriarcha Abrahamo. 2. De Isaac & Jacob. 3.
De Josepho Aegyptio. De servitute Aegyptiaca.

C A P U T I.

De Patriarcha Abraham.

Prior paragraphus Abrahami res ante, posteri-
or post natum Isaacum gestas complectatur.

§. I.

Abrahami res gesta ante natum Isaacum.

1. *Qui se habuit Abrahæ à patria sua in alienas
terras migratio?*

Cùm DEUS Abrahamum non patrem modò
credentium omnium, sed Christi quoque ipsius
progenitorem destinasset, eundem prope se-
ptuagenarium, è Chaldaea, patria sua, idolorum
cultui dedita, & natali oppido Ur Haranem
primùm, Mesopotamiz urbem, tum deinde post
quinquennem ibidem commorationem, in re-
gionem Chananitidem, ipsi, totive ejus poste-
ritati promissam, demigrare jussit, anno ab or-
be condito bis millesimo centesimo, decimo
quarto. (2114.) Paruit utrobique sine mora &
tergiversatione Abrahamus, ad omnem Dei
nutum semper promptissimus.

2. *Cur Abrahamus à Lotho sejungi voluit?*

Ad id temporis Loth communibus cum Abrahamo patruo suo tectis & pascuis utebatur. At cum vir sanctus novas identidem rixas suos inter ac Lothi pastores existere animadvertisset, pacis studio seorsum deinceps habitare statuit. Lothus facta sibi ab Abrahamo optione, quemcumque voluisset, terræ tractum occupandi, regionem longè amœnissimam, Sodomæ circumjacentem, sine ulteriore disquisitione elegit, ignarus, quanta inde sibi pericula, malaque imminerent. (2116.)

3. *Quo pacto Abrahamus Lothum, ab hoste captum, in libertatem asseruit?*

Rex Sodomæ à 4. Regibus bello laceffitus unà cum aliis, 4. Regibus, quos in subsidium advocarat, vincitur, captæque urbe Sodomæ, Lothus quoque cum suis in servitutem abstrahitur. Quo comperto, Abrahamus cum trecentis ac duodeviginti e sua familia exercitum victorem strenuè insecutus, fundit, fugatque; atque ita non Lothum modò in libertatem restituit, sed omnem Sodomis ablatam prædam recuperat. (2118.)

4. *Quid de Abrahamo & 3. Angelis sacra litera referunt?*

Cum Abrahamus sub meridiem fervente solis æstu ad ostium tabernaculi confidèret, tres Juvenes (Angeli erant peregrinorum habitu) adventare conspicit; moxque obviam progressus, perofficiosè salutatur, & prandium sub o-

opacæ arboris umbra apparari jubet. Remotis mensis, peregrinorum unus Abrahamo prædicit Saram uxorem, ut ut ætate jam provecta, filium enixuram. Ob rei hujus novitatem atque insolentiam claculum subrihit Sara, reprehensa idcirco ab Angelo, quasi DEI potentia diffidisset. In discessu unus é cælestibus genis Abrahamo aperit, urbem Sodomam ob nefanda flagitia propediem eversum iri. Ille & nepotis & civium vicem miseratus, iteratis instat precibus, urbi ut præceat, si deni saltem insontes in ea numerarentur; verùm ne tot quidem repertis, ultrà intercedere ausus non est. (2139.)

§. Quas penas urbs Sodomæ dedit?

Non hæc tantum, sed & alia tres urbes (nam quintæ Segor nomine, Lotho deprecante, pepercit flamma] ruente de cælo imbre igneo ac fulfureo, in cineres sunt redactæ, ex horribili hoc incendio solus Loth, èjusque uxor ac filia dux ab Angelis propè per vim sunt ereptæ, addito severo mandato, retro ne respicerent, quod quia Lothi uxor, curiositate victa, pensâ non habuit, in statuam salis est conversa. (2139)

§. II.

Res Abrahami gestæ post natum Isaacum.

1. Quid de Ismâele memorandum venit?

Hunc Abrahamus ex Agare ancilla suscepit;

rat; verum cum insolentius sese efferre; ipsum-
que adeo Isaacum insectari ausus esset, urgen-
te Sara, nec caelo improbante, una cum Aga-
re matre sua paternis aedibus expulsus est. Fu-
gientes sitis propè confecisset, nisi Angelus,
monstrata fontis scaturigine, iussisset Agarem
filii curam gerere, utpote qui peramplæ fami-
liæ parens olim futurus esset. 2144.

2. *Quale sacrificium Deus Abrahamo im-
peravit?*

Ut filium suum longè charissimum immola-
ret in monte Moria, quo vir sanctus sine cun-
ctatione profectus, tridui itinere appulit. Hic
primùm Isaac, qui suis ipse humeris ligna
portabat, intelligit, paterna sibi manu morien-
dum. Nec abnuit, ad omnem Dei, patrisque
nutum expeditissimus filius. Jamque arx im-
positum, ferro appetebat parens, cum caelesti
voce manum cohibere, filii locò arietem,
quem, DEO haud dubiè providente, vepribus
implicitum, videt, cadere iubetur, simulque
certior fit, tam promptum DEO obsequendi
studium eximiis cæli favoribus, Christique ip-
sius à stirpe sua ortu remuneratū iri. (2162.)

Ubi & quando Sara mortem appetiit?

Anno ætatis centesimo vigesimo septimo He-
brone diem suum magno filii & mariti luctu
obiit, sepultaque est in spelunca duplici, quam
Abrahamus ab Ephrone Hethæo numeratâ pe-
cuniâ emit. (2175.)

C A P U T II.

De duobus Patriarchis Isaac & Jacob.
Prior Paragraphus de Isaaco, posterior de Jacobo ager.

§. I.
Isaac.

I. *Quando & quamnam Isaacus uxorem duxit?*
Triennio à Saræ matris obitu, cùm Isaacus annum ageret quadragesimum, Abrahamus patrens Eliezerem, qui rem omnem domesticam summa fide atque integritate administrabat. in Mesopotamiam patriam suam ablegat, sponsam ut inde adducat filio. Is longum ingressus iter tandem haud procul ab urbe Haran ad puteum quendam constitit, ubi cælesti, ut erat vir pius, implorato auxilio, eam Isaac sponsam divinitus destinatum esse intelligit, quæ sibi, suisque camelis potum ultra præbitura esset. Præbuit Rebecca Bathuelis, Abrahami ex fratre nepotis, filia, cui proinde pretiosa, quæ secum ferebat, donaria confestim obtulit. Domo, mensaque exceptus, renuit prius cibum capere, quàm demandatæ sibi legationis munere perfunctus esset. Re ex omnium voto confecta, Eliezer Rebecam, formâ non minùs, quàm virtute conspicuâ in Balastinâ deducit, anno ante obitum Abrahami trigesimo quinto, post orbem eonditum, bis millesimo, centesimo septuagesimo nono. (2179.)

2. *Quos Isaac filios genuit?*

Vigesimo demum anno ab inito matrimonio Rebecca Esavum & Jacobum enixa est, gemellos quidem, quippe eodem partu editos, sed habitu corporis animique longe dissimillimos; nam Esau major natu præter morem aliorum infantium corpore erat hirsuto; Jacob glabro; ille agresti ferocique ingenio; hic placida, & tractabili indole.

3. *Quo pacto Esavus primogenitus, jus suum fratri cessit?*

Cum forte à venatione redux ingenti fame cruciaretur Esau, lenticulæ, qua tum frater vesceretur, tanto tenebatur desiderio, ut non dubitavit natalem prærogativam Jacobo pulticulâ vendere. Cujus cessionis, etiam jurejurando firmatæ, eum postea serò nimis poenituit.

2218.

4. *Uter alteri benedictionem paternam præripuit?*

Jacobus natu minor, idque non tam astu pio Rebeccæ matris suæ, quàm arcano DEI confilio. Statuerat Isaacus decrepita jam ætate senex Esavo, tanquam primogenito & familiz Principi, bene precari; prius tamen hunc venatum ire, atque ex ferina præda gratum palato suo epulum apparari jubet. Quo cognito Rebecca quoque Jacobo in mandatis dat, ad gregem illico properet, duosque inde hædules pinguisimos afferat. Hos illa ferinæ in

morem exquisitè coxit, condiditque atque è pelliculis collare, manicas fingens, Jacobo tam scitè aptavit, ut Isaac, cui præ senio caligaverant oculi, ex hirsutis manibus & collo Esavum coram adesse conjectans, licet de voce addubitarit, Jacobo faustas inter preces primogeniti jura & privilegia impertierit.

5. *Quo animo hanc stropham Esavus tulit?*

Iniquissimo; hinc præ ira & indignatione fremere, lamentari, ejulare, tantoque in fratrem odio ferri cepit, ut eum de medio tollere decreverit.

§ II.

Jacob.

1. *Quam viam Jacobus inivit impotenti fratris iræ se subducendi?*

Ex matris consilio, & cum bona patris venia in Mesopotamiam ad Labanum avunculum suum confugit.

2. *Quid in hoc ei itinere accidit?*

Cum nocte præventus sub dio pernoctare cogeretur dormienti objecta est scala mystica à terra ad cælum usque pertingens, per quam cælestes genii sursum commeabant; quin DEUS ipse supremo in gradu consistens, quæ olim Abrahamo promiserat, confirmare denuò, ac rata habere voluit. 2276.

3. *Quomodo Jacobus ab avunculo exceptus?*

Ad urbem Hæran appropinquanti Rachel occur-

cur;

currit, patris sui greges pascens: quæ ut primum in consobrini sui notitiam venit, patrem de re tota certiozem fecit. Hic nepotem suum inter amplexus & oscula domum suam lætus deducit. Mense fermè exacto Jacob, ut Rachelis nuptiis potiretur, septennem operam in pascendis gregibus Labano locavit; qui tamen promissis haud stetit, sed emenso septem annorum spatio, Liam filiam natu majorem substituit, minorem ea demum lege nuptui daturus, si septem alios annos in famulatu futurum se reciperet. Nec conditionem hanc, ut arduam, respuit Jacob, amore, quo in Rachelem ferebatur, amarissima quæque edulcante.

4. *Quando, quove comitatu domum remigravit Jacob?*

Postquam pro Rachele & Lia quatuordecim, sexque insuper annos pro gregibus redimendis strenuam Labano locarat operam, in patriam tandem reverti statuit: cumque de discedendi potestate à socero impetranda desperaret, consulto prius Numine, reque cum uxoribus communicatâ, clam iter ingreditur, socero ad tonendas oves aliorsum tunc profecto; qui tamè cognitâ, generi fugâ, nimium quantum excaudescens, cum valida suorum manu fugientem celerrime est insecutus, pessimè haud dubiè expecturus, nisi DEUS vetuisset gravius quidquam in illum consulere. Igitur ultra verba

pro;

processum non est, quibus Labanus genero suo & furtivam, & sacrilegam idolorum rapinam vehemenser exprobravit. Atque ille quidem de fuga facile se purgavit, furti verò, à Rachele commissi, penitus ignarus, mortis reum pronuntiavit, quicumque demum idola furripuisset. Cùm igitur Labanus universam generi supellectilem frustra excussisset, Rachele idola subter stramenta abdente, post longam tandem altercationem fœdus utrinque sancitur. Redit exinde ad suos Labanus, Jacobus iter captum prosequitur.

5. *Quomodo fratrem reducem excepit Esau?*

Statuerat homo efferus vitam eidem eripere, tamen hic, missis etiam legatis ac muneribus adventum suum humanissimè nuntiari jusserit. Quadringentos Esau armaverat viros, quo nuncio consternatus Jacob, supplex petiit, atque ut iram fratris placaret, nova destinavit munera, agmenque in tres turmas divisit. Inde precibus de nocte intentum celestis genius virili specie ad luctam provocat. Nec certamen detrectat Jacob, ad diluculum usque, læso licet ac enervato femore strenuè colluctans cum perlonato palæstrita, quem non ante dimisit, quàm sibi bene precatus fuerat. Exinde Jacob appellatione sanè gloriosa, *Israël seu prevalens DEO*, cognominari capit, simulque divinitus est edoctus, nulli deinceps mortalium succubiturum, postquam Su-

peris ipsis invictas probasset vires. Nec multò post Elau, armatis stipatus, in conspectum venit; qui tamen singulari fratris modestia & comitate ita fuit delinatus, ut immemor omnis vindictæ, Jacobum amicissimè sit complexus.

2296.

6. *Quot filios Jacob in Mesopotamia suscepit?*

Undecim, cum filia unica, cui Dinæ nomen, Filiorum hæc sunt nomina: Ruben, Simeon, Levi, Judas, Issachar, Zabulon, Dan, Nephtali, Gad, Aser, Joseph, quem ultimum Rachel peperit, & aliquot post annis Benjaminum, ex cujus partu decessit haud procul ab urbe Bethlehem.

C A P U T III.

Josephus Patriarcha.

Hic nota primò variam Josephi fortunam ante servitutem Ægyptiacam, 2. Eiusdem servitutem & captivitatem in Ægypto, 3. Honores eidem postea delatos.

§. I.

Varia Josephi fortuna ante servitutem Ægyptiacam.

1. *Cur Josephus tantam fratrum offensionem incurrit?*

Tribus de causis. 1. Quod præ cæteris tenerius amaretur à parente, qui togam ei polymitam conficiendam curavit. 2. Quod fratres suos

suos nefarii cujusdam criminis apud patrem accusarit. 3. Quòd ob narrata quædam somnia dominatum affectare videretur.

2. *Quid igitur somniabat?*

Putabat, se unà cum fratribus suis in agro manipulos colligere; ac suum quidem manipulum stetitisse erectum, reliquis circumcirca, adorantium ritu, aristas incurvantibus. Aliàs à sole ipso ac luna & stellis undecim adorari se in somno sibi videbatur. Quæ cum fide ac mente optima narraret, invidos fratrum animos tantopere exacerbavit, ut in ejus necem conspirârint.

3. *Num conceptum animo facinus perpetrare sunt ausi?*

Id quidem fixum illis ac statutum erat; sed cruento eorundem consilio intercessit Ruben, natu maximus, qui fratribus auctor fuit, ut Josephum, tum fortè parentis jussu ipsos invisentem, in proximam cisternam detruderent. Quod eo fecit consilio, ut clam inde creptum ad Patrem posset reducere.

4. *Quamdiu Josephus hac in cisterna delituit?*

Exiguo admodum tempore; nam cum paulò post negotiatores quidam Ismàelitæ illac in Ægyptum tenderent, Juda auctore è fovea extractus, atque iisdem venundatus est viginti siclis, anno mundi bis millesimo trecentesimo sexto 2306. cum annum ageret decimum septimum.

5. *Quid verò facinus tam atrox parentem celare potuerunt?*

Novo scelere commoti sunt, Josephum crucentz belluz in prædam cessisse. Missus proinde inauspicati nuntii bajulus, qui fratris tunicam hædino tinctam sanguine exhiberet, ex cuius aspectu miserandus senex luctu propè contabuit.

§. II.

Josephi servitus & captivitas in Ægypto.

1. *Quorsum ab Ismælitis illis mercatoribus abductus est Joseph?*

In Ægyptum, ubi venditus est Putiphari, uni è præcipuis Regni proceribus, quem Josephus mira in rebus agendis dexteritate, fide, ac prudentia brevi ita sibi devinxit, ut, hominè exterus, ac servituti addictus rem omnem domesticam administrare juberetur.

2. *Num diuturna hæc erat ejus prosperitas?*

Fuisset, nisi Heræ calumniis appetitus, Heri quoque sui gratiâ repentè excidisset. Nam cum Putipharis uxori, ad scelus iterum, iterumque pellicenti, fortissimè semper restitisset, ac demum pallio quoque, quod procax æmina prehenderat, in impuris manibus relictò, aufugisset, illa, amore in furorem verò, non dubitavit juvenem castissimum attentari

est flagitii rerum agere apud matronam, quae
vehementi ira atque emulatione incensus, il-
lico insontem in carcerem & vincula abrip-
jussit.

3. *Quid hoc in carcere accidit?*

Fortè in eundem carcerem Pharaonis iusti
compacti sunt duo ministri regii, quorum alte-
rocillatoribus, alter pictoribus praeerat, Illi
in somnis objecta erat species vitis, cum tri-
plici palmitis, gemmantis primum, tum flore-
scantis, ac uvas tandem maturas protrudentis
è quibus liquorem in calicem exprimere, Reple-
nigique porrigere sibi videbatur. Hic verò
per quietem tria vidit canistra, capiti suo im-
posita, è quorum supremo cibos varios, arti-
pistoria confici solitos, volucres surripiebant
Inde Josephus coniecit, hunc elapso triduo a
suspensum, illum ad pristinum suum munus
evocatum iri; quem proinde rogavit, miseri
innocentis patrocinium apud Regem suscipere
ne gravaretur. Dicta probavit eventus, nisi
quod pocillatore datae fidei obli-
tus, Josephus duos & amplius annos haerendum in carce-
fuerit.

4. *Qua tandem occasione Josephus è vinculis
est exemptus?*

Vidit Pharaon per somnium septem vac-
prae pingues è Nilo emergere, quas aliae septem
strigosae & macilentae, indidem exortae, dev-
taverant. Adhuc septem spicae plenae, op-
ma-

quæque uno è culmo pullulare videbantur, quas
 totidem graciles & afflatæ uredine, absumpsere,
 Cum de somnis hisce nemo unus aptam face-
 re conjecturam posset, is, qui Pharaoni à po-
 culis erat, sui jam tandem memor interpretis,
 Regem monet, esse in carcere juvenem, divi-
 nandi apprime peritum, quem is protinus in
 aula acciri iussit.

5. *Quomodo hæc somnia interpretatus est
 Joseph?*

Ajebat, septem vaccis obesis, uti & spicis
 solenis septem, totidem annos fertiles porten-
 di, quibus septem alii steriles, à macilentis
 obibus ac spicis præsignari, successuri essent.
 Opus proinde fore, ut omne frumentum, an-
 nis fertilibus redundans, congeratur in horis
 ca, ingruente annonæ inopia promendum.

§. III.

Josephus ad amplissimos honorum gra-
 dus evectus.

1. *Quo premio Pharao Josephum remune-
 ratus est?*

Non rei solùm frumentariæ, sed toti eum
 Egypto vicaria cum potestate præfecit. Igi-
 tur regis decoratum insignibus currum suum
 conscendere & triumphali cum pompa circum-
 uci iussit, præcone proclamante, flexo ut or-
 nes poplite Egypti Proregem, imò & con-

servatorem mundi venerarentur.

2. *Qui suum hoc munus Josephus obiit?*

Summa integritate ac sapientiâ, maximoque regii ærarii emolumento. Nam cum elapsæ fertilitatis septennio non Ægyptus modo, sed vicinæ quoque provinciæ annonæ difficultate laborare cœpisset, omnes ad frumenta emenda certatim in Ægyptum contenderunt, quod Jacob denos misit filios. Qui ubi suppliciter se Principi, ab hoc mox agniti sunt; qui tamen fratrem illi suum agnoscerent.

2. *Quo verò vultu eos excepit Joseph?*

Peregrinum ac ignotum se simulans, vultu ad severitatem composito, exploratores corpellabat, in custodiam idcirco tradendos. Illis contra asseverantibus, unius se parentis filios è Chananitide regione adventare, fratrem natu minimo domi relicto; hunc ipsum ad veritatem comprobendam coram sibi sisti voluit. Ad postulatum hoc prorsus inexpectatum stabant omnes attoniti, veterisque delirante redeunte memoria, crudelitatem in fratrem illum exercitam, tantæ modò calamitatis causam esse mutuis lamentis conquerebantur. In commemoratio Josepho lachrymas vel invocavit, quas ut liberius funderet, paulisper recessit, moxque reversus, Simeone in vinculis retento, reliquos domum remisit cum trigo & pecunia, quam frumentariis in saccis clausis reponi jussit, addito severo mandato, Ben-

mi-

inum ad se ut quamprimùm adducerent.

4. Num Benjaminum à se dimisit parens ?

Diu tergiversanti fames tandem atque ite-
ratæ filiorum preces assensum extorsere; Juda
pro Benjaminì reductione vadem se ultrò of-
ferente.

5. Nunquid ex sententia successit altera hæc
professio.

Rectà in principis palatium deductis lautum
apparatur convivium; cùmque dein Prorex ipse
comparuisset, prono in terram vultu eum de-
enerabantur, quos ille perbenignè accipiens,
multa de parente sciscitatur. Sed nihil æquè
Iosephi animum commovit, ac Benjaminì fra-
tris sui uterini aspectus; unde prorumpenti-
us denuò lachrymis vultum avertere, & in-
secretius sese abdere cubiculum cogebatur.
Aulò post mensæ accumbitur, ac reliquum
diei tempus hilarè jucundeque traducitur.
Cùm abitur die postero pararent, saccos fru-
mento impleri, pecuniamque, ut nuper, repo-
ni iussit, scypho argenteo in Benjaminì sac-
cum inserto.

6. Quæ illis molestiæ ob ipsum hunc scyphum
exhaurienda erant ?

Iter jam ingressos œconomus Proregis iussu
propere insequitur, poculum, veluti fur-
to ablatum, repetiturus. Nemo tanti sibi faci-
oris conscius erat. Verùm dum sarcinæ ex-
utuntur: ecce tibi! in Benjaminì sacco reper-

tus est scyphus iacredibili omnium luctu & consternatione. Igitur Benjaminus in urbem captivus abstrahitur, quem cæteri quoque omnes sequuntur, delicti fraterni veniam deprecaturi. Præ reliquis Judas voce lamentabili Proregi exponit, quo pacto Benjaminum certo redustum se spondisset parenti, haud dubie morituro præ mazore, si nunc Benjaminus, ut jam olim Josepho, orbandus esset. Hic verò cohibere se ultra non potuit Joseph. Igitur Egyptiis abscedere iussis, in has voces largo permissas fletu erumpit: *Ego sum Joseph frater vester, quem Egyptiis vendidistis: nihil à me metueendum vobis.* Singulos dein, suavissimè complexus, ubi rei novitate perterritos videt, prorsusque attonitos, inde eos potissimùm consolatur, quòd hæc omnia evenissent, sapientissimo Dei consilio, in Ægyptum se præmittentis, ut eorum, multorumque saluti confuleret. Irent igitur sine mora, & cuncta nunciarent parenti, huncque cum suis omnibus in Ægyptum deducerent.

7. *Quis accepro hoc nuntio animus fuit Jacob?*
 Profundo velut è somno excitatus senex adduci vix potuit, ut crederet; at ubi currus, jumenta, cæteraque itineris subsidia coram in spexit, totus caput reviviscere, moxque cum suis ad longum & laboriosum iter lætus & alacer se accinxit, ut Josephi, quem pridem extinctum putabat, aspectu desideratissimo frueretur. 1329.

2. *Quæ Jacobi in Ægypto fuit fortuna?*

Non solum à Josepho mutuos inter amplexus & manantes præ gaudio lachrymas, sed à Rege ipso honorificentissimè est exceptus, qui Regionem Gessanam, frugum feracissimam, pecorique pascendo aptissimam, habitandam concessit, ubi Jacobus annos decem & septem commoratus, anno ætatis quadragesimo septimo supra centesimum è vita migravit, fausta preceatione filiis prius omnibus impertita. Præcipuè verò Josephum est obtestatus, suum ut cadaver in Regione Chananitide avito monumento inferendum curaret: id quod præstitum maximo cum apparatu & magnificentia Anno mundi bis millesimo trecentesimo quadragesimo quinto. (2345.) Josephus porrò supremus inter aulæ honores vitam ad plures perduxit annos, donec anno administrationis Ægyptiacæ octogesimo, vitæ centesimo diem suum obiit, cuius ossa & cineres post annos amplius trecentos patrio tumulo, uti vivens petierat, sunt illati. Erant Josepho duo filii, Ephraim & Manasses, quos Jacobus avus perinde ac reliquos suos filios promissæ illius terræ hæredes instituit.

C A P U T IV.

Servitus Ægyptiaca.

Hic recensenda primò Hebræorum vexatio regnante Pharaone alio. 2. Moyfis ad eundem legatio.

He

Hebræorum afflictio.

1. *Qua fortuna à morte Josephi usi sunt Hebræi?*

Oppidò adversâ; nam mortuo Rege illo, gentis Hebrææ perstudioso, Pharao alius Ægypto imperavit, Irælitis longè infensissimus, quos supra quàm dici potest, cæpit affligere, veritus, ne gente hac extera prope in immensum excrecente sibi tandem suisque securis esse non liceret: unde stirpem hanc sibi longè invisissimam radicitus parabat excindere. 2451.

2. *Quibus id artibus perficere tentavit?*

Principio Hebræos duris cæpit laboribus exercere; verùm cum inde vegetiores multo facundioresque fieri animadvertisset, mares omnes, simul ac editi in lucem essent, ab obstetricibus Ægyptiis necari iussit. His verò tam crudeli imperio minimè obtemperantibus, novo sanxit edicto, ut infantes masculi omnes, recens nati, aquis suffocarentur.

3. *Qui igitur Moyses parrulus evasit?*

Mater, cui Jachabed nomen, tribus hunc mensibus domi suæ clam educaverat; verita dein, ne res patefieret, fiscellæ scyrpææ, bitumine oblitæ impositum, Nilo committit.

4. *Num aquis haustus est Infans?*

Divino factum consilio, ut eo ipso tempore Pharaonis filia ad Nili ripam deambulans, fiscel-

scellam, carici adhaerentem, ad se deferri iusserit; quâ apertâ, cum bellissima specie pusionem vagientem invenisset, conducta nutrice, eadem illa, quæ pepererat, sollicitè educandum indeque in aulam translatum Ægyptis, excolendum literis curavit. 2464.

§ II.

Moyſis ad Regem Pharaonem legatio.

1. *Quamdiu Moyſes in aula regia est commoratus?*

Ad annum, usque ætatis suæ quadragesimum, mundi bis millesimum quingentesimū tertium (2503.) quo ex Ægypto regionem Madianitidem profugus, Jethroni socero suo in pascendis ovibus quadragenariam locavit operam.

2. *Quomodo inde evocatus fuit ad populum Israeliticum ab Ægyptiarum servitute vindicandum?*

Ad Horebi montis radices gregem fortè pascenti, Deus in rubo flagrante quidem, nec tamen deflagrante, spectandum se obtulit, iussitque Pharaonem adire, & suo ei nomine populi Hebræi missionem imperare. Ad quod munus ritè obeundum DEUS virtutem ei, potestatemque extraordinariam, ac fratrem insuper Aaronem comitem, & adiutorem addidit. 2543.

3. *Quem ex hac sua legatione fructum tulit?*
Nul-

Nullum penitus; quin potius versa & muta-
ta in pejorem partem sunt omnia. Nam Pha-
rao vehementiore inde ira accensus Iſraélitas
novis obrui laboribus, ac verberibus mulctari
juſſit.

4. *Quibus porro machinis obſtinatum Regis ani-
mum expugnare ſunt adorti?*

Decem intentârunt plagas, alias aliis gravi-
ores, quibus tamen obfirmatum tyranni peccus
magis ſemper magisque obduruit, percaluitque.

5. *Quenam hæc plaga?*

Principio Nilus, & aquæ Egypti omnes, in
ſanguinem mutata, computruere, piſcibus pa-
riter extinctis. 2. Incredibilis ranarum copia
in menſas, lances, pateras, lectos &c. invo-
lans longè omnia lateque fœdabat. His ſuc-
cedebant. 3. immenſa ciniphum, ſeu culicum
pungentium examina, 4. muſcarum multò mo-
leſtiſſimarum numerus ſine numero, 5. conta-
gioſa pecorum lues, 6. venenata, puſtulæ &
turgentia hominum ulcera, 7. grando, horribi-
lis ſtragem, & vaſtitaſtem inauditam afferens, 8.
locuſtarum multitudo innumerabilis, abſumens
pænitus, quidquid grando reliquum fecerat. 9.
tenebræ triduanæ tam ſpiſſæ, ut manibus quaſi
contrectari poſſent. Hæc tamen plagæ omnes
ferreum Pharaonis animum adeò non emolli-
erunt, ut iadurârint magis.

6. *Quodnam Moyſes mandatum ante plagam
decimam accepit à DEO?*

Ut Israëlitas per suas quisque familias agni
 cæxi sanguine postem utrumque cum superli-
 minari conspergerent, sicque ædes suas ab Æ-
 gyptiorum domibus distinctas plaga imminen-
 te eximerent.

7. *Quanam decima, eaque postrema fuit plaga?*
 Sub mediam noctem Angeli, facto à Regi fi-
 lli cæde exordio, primogenitos omnes cum ho-
 minum, tam jumentorum contrucidârunt.

8. *Num victas tandem manus dedit Pharaos?*

Moysem & Aaronem vehementer ipse urge-
 bat, imò & rogabat, nullâ ut interpositâ mo-
 ra cum suis omnibus abitum maturarent, ne
 fortè graviora sibi subeunda forent supplicia.
 Igitur Israëlitas ad sexcenta virorum millia, non
 annumerata imbelli mulierum ac parvulorum
 vulgiquè promiscui turba, ex Ægypto, ubi an-
 nis ducentis & quindecim diversati sunt, de-
 migrârunt pretiosis ditati spoliis, vasis videli-
 cet aureis & argenteis, variaque suppellectili,
 quam ad solemne sacrificium DEO offerendum
 mutuati sunt ab Ægyptiis. 2544.

9. *Nihilne turbarum concitavit Pharaos post He-
 bræorum discessum?*

Cùm tertio post die quàm abierant, compe-
 risset, Israëlitas nil minus, quàm reditum medi-
 tari, suæ illum indulgentiæ pænitere cepit.
 Quocirca ingenti cum exercitu fugientes per-
 secutus, pauloque post assecutus, victoriam
 spe devoraverat, quod Hebræi hinc mari Æ-
 gy

rythrao, inde hostibus cingerentur. At spes cum sua frustrata est; nam ut primùm Moyses miraculâ suâ virgâ mare percussit, continuò aquis gemini instar muri utrinque suspensis, multitudini universæ siccum aperuit tramitem; quo tutò transire omnes possent. Tentabat id ipsum Pharaon cum suis; verùm longiùs progressos mare, coeuntibus denuò fluctibus, ita obruit, ut è tanto exercitu ne cladis quidem nuntius superesset. 2544.

Observationes.

Ad tertiam Historiæ Biblicæ partem.

1. *Quid in rebus gestis Patriarcharum præcipua consideratione dignum occurrit?*

Mirus DEI amor, cura, & providentia, qua suos ac Josephum præcipuè Ægyptium tot inter discrimina, casusque variorum paterna sanè sollicitudine favere ac protegere consuevit.

2. *Cur Abrahamus credentium Pater nuncupatus?*

Ob fidem, quam divinis semper pollicitationibus præstitit integram, promptamque, tametsi magnæ non rarò difficultates sese offerrent.

3. *Qua porro vis inerat paterna illi benedictioni, quam à fratre sibi præreptam tantopere doluit Esau?*

E sacrorum interpretum sententia præter alias prærogativas divina insuper illa promissa de

de venturo olim Messia transferrebantur à parente in filium, qui hoc pacto in album progenitorum Christi quodammodo referebatur.

4. *Cus Deus Hebræos in Ægypto tot premi calamitatibus est passus?*

Cùm ad horum fidem periclitandam; tum ad eorundem animos per aduersa tenaciùs sibi agglutinandos; tum etiam ad imminentes olim Ecclesiæ suæ afflictiones præsignificandas, è quibus tamen eam, perinde atque antehac Israëlitas, mirabiliter esset erepturus.

5. *Quis tertia illa mundi ætate cùm sacra; tum profana Respublica status erat & conditio.*

Profana per alia atque alia regna, in Græcia præsertim, recens fundata, magnum cepit incrementum. Imperium Assyrium, Ægyptium, Chinense, Scythicum, aliaque, prioribus jam sæculis stabilita, in suo perstabant vigore. Sacra porro Respublica è paucis admodum membris, Patriarchis nempe, horumque familia constabat, cæteris terrarum incolis, si Israëlitas, aliosque perpaucos exceperis, teterrima idololatriz caligine involutis.

P A R S I V.

De Iudicibus Israëlitarum,

In 4. sequentibus capitibus consideranda primò He-

Hebræorum per desertas solitudines quadraginta annorum profectio, Moysæ ductore. 2. Eorundem in Palæstinam, Josue præeunte, deductio. 3. Res gestæ Gedeonis, aliorumque Judicum, qui proximè successere. 4. Facta Samsonis, Heli, & Samuelis.

C A P U T I.

Isrâëlitarum per loca deserta profectio.

Hic exprimenda primò divina erga populum Isrâëliticum beneficia. 2. Eiusdem cum alia, tum ingrati præcipuè crimina animi. Pœnæ idcirco inflictæ.

§. I.

DEI erga populum Isrâëliticum Beneficia.

1. *Quem Deus Isrâëlitis, per invias solitudines iter facientibus, via ducem adjunxit?*

Interdiu nubes perlucida; noctu verò columna ignea præcedendo viam quasi monstrabat; cùmque castra metanda, subsistere, cùm progrediendum, prægredi solebat, djuturnos arcens calores, & nocturnas pellens tenebras.

2. *Quis tanta multitudini de necessario comæ meatu, cibo, potu, vestibus prospexit?*

Hæc omnia DEUS multiplici miraculo suppeditavit; nam. 1. quadraginta ipsos annos Manna, mirifici saporis ac nutrimenti de cælo subministravit, quod ante solis exortum quoti-

tidie

tidie colligendum, nec in diem posterum fer-
 vandum erat, præterquam pridie sabbati, quo
 portione duplici in duos seponebatur dies. 2.
 Aqua deficiente, Moyses ex ipsis rupibus pro-
 digiosæ suæ virgæ percussu fontem elicuit, co-
 piosis ac perennibus rivis scaturientem. 3. Ve-
 stimenta, toto illo professionis tempore, usu
 ac vetustate consumpta non sunt. Nec quis-
 quam morbo tunc tentatus est; unde nec medi-
 camentis erat opus.

3. *Quomodo Deus Hebræos contra hostiles in-
 cursus defendit?*

Amalecitz transitum iis armata manu ten-
 tabant præcludere. Igitur Moyses Josuen cum
 expedita manu ad subeundam pugnx aleam
 præmittit; ipse verò cum Aarone fratre, & Hu-
 re sororis suæ marito in montem, unde pugnan-
 tes conspici possent, conscendit ibiqué divi-
 num imploraturus auxilium, in genua supplex
 procumbit, mirabili prorius eventu ac vicissi-
 tudine; nam Moysæ manus in cælum levante,
 vincunt Israëlitz, succumbente verò præ lassit-
 tudine, succumbunt & ipsi. Quo animadver-
 so, Hur & Aaron lassata Moysis brachia usque
 eò sustentarunt; dum fufis, fugatisque hosti-
 bus, Israëlitz gloriosam victoriam sunt ade-
 pti. 2544.

4. *Quis favor singularis Israëlitz ad montem
 Sinai obvenit?*

Statuerat DEUS Israëlitas præcipuo quodam studio, ac inuito etiam cum iisdem fædere, in populum peculiarem sibi atiscere ac cooptare quapropter Sinæo in monte geminas Decalog tabulas, cælesti scriptas manu, Moyfi tradidit additis pollicitationibus peramplis, si suū & ipsius obsequium, fidemque præstarent. Quadraginta ipsos dies noctesque in Monte Moyses familiariter cum DEO consuetudine utebatur. ex ejus vultu tantus cæpit emicare splendor, ut nemo in eum oculos defigere, nec ipse nisi obducta velo facie, cum aliis agere deinceps posset ac colloqui.

5. *Quid Moyfi in diuturno illo suo secessu erat negotii?*

Cùm DEUS peculiari quodam ritu ab Israëlitis coli, atque hos inter sedem sibi ac domicilium collocare decrevisset, Moysen singillatim docuit, quemadmodum divinum tabernaculum, sive *Sanctuarium* cum sacro apparatu a suppellectili universa adorandum esset. Tunc *Arca Fæderis*, Candelabrum aureum, geminum altare, Mensa inaurata, cui duodecim illi panes mystici imponerentur, vestes item Pontificales, aliaque complura descripta & designata fuere. Actum quoque de inaugurandis Sacerdotibus, stisque eorundem functionibus: ad quas Aaron cum filiis speciatim est delectus; de variis tandem ritibus ac ceremoniis in rerum divinarum usu adhibendis.

§. II.

Gentis Hebraeae cum alia, tum ingrati precipue animi crimina.

1. *Quomodo & quoties somnium murarunt
Israélite?*

1. Ad mare Erythrum, ubi cum hinc aquis, inde hostili exercitu circumseptos se vidisset Deo plane diffusis, proterve, minaciterque cum Moysse exostulare ceperunt, quod in presentissimum mortis discrimen omnes adduxisset; an enim sepulchra, quae corpora saltem tegeant; defuisse in Aegypto? an non latius futurum fuisse ibi servitutem, utat arumnosam, servire, quam hic morte longè crudelissima occumbere?

2. Ad locum, cui Mare nomen, ubi Moyses igni, divinitus monstrati immissione amaras & quas, & animos mitigavit.

3. In deserto Sin, ubi panes & ollas Aegyptias tumultuose exposcentibus, praeter incredibilem coturnicum copiam Manna insuper, cibibus longè suavissimus & delicatissimus, e caelo est datus.

4. In Regione Raphidim, ubi petra virgae Mosaeae percussu vim aquarum ingentem effundens, sitim simul ac murmuracionem extirpavit.

5. Post discessum à monte Sina, obiter toto iduo continuatum, & contra Angelum in

D

NU-

nube præcedentem, & contra Moysen ducto-
rem exortum est populi murmur, quod immi-
so divinitus incendio sopitum, paulò post ve-
hementius recrudit, tumultuosa plebe pisce-
pepones, cepas, & alia Ægypti seditiosè depo-
scente, hæcque hortorum quisquilias Manna
pani candidissimo & suavissimo anteferente.

6. Ob insinceram plerorumque speculato-
rum, quos Moyses ad explorandam Chanan-
tidem miserat, relationem totis castris murmur
ingens ac seditio concitata est.

7. Hanc alia haud paulò gravior excepit
quando Core, Dathano, & Abirone terræ hi-
tu, multisque aliis caelesti flamma absumpti
tantæ stragis causam omnem in Moysen con-
jecere.

8. In deserto Cades, ubi ad compescendu-
m sitientis populi murmur rupes, virgâ Moysis
teratò percussa, aquas largissimas hominibus
æquè ac jumentis propinavit.

9. Tandem non in Moysen modò, sed
Deum ipsum sacrilegis vocibus insurrexere,
cerbè conquesti, quod ex Ægypto in vastam
hanc & inhospitam seducti essent solitudine
ubi nec aquæ potus, nec panis, nisi Manna
quod cibum vilissimum contemptim vocita-
bant, suppeteret.

2. *Quid ad montem Sinai deliquere?*

Dum Moyses in monte quadraginta die-
noctesque divino fruitur alloquio, populus

le, tot tantisque DEO nominibus obstrictus, ex-
 ceccando idololatriæ crimine se contaminat,
 vitulum ex auro conflatum divinis adeò ho-
 moribus prosequendo.

§. III.

Hebræorum supplicia.

1. *Quinam primi ac singularem DEO pœnas dede-
 re in illa solitudine?*

Nadab & Abiu Aaronis filii, qui, cum ad
 thus adolendum ignem profanum, contra ac
 DEUS præceperat, adhibuissent, caelesti proti-
 nus igne, velut fulmine afflati, illæsis omnino
 corporibus, vestibisque, interiêre. Duo item
 lapidibûs, DEO sic jubente, sunt obruti, quo-
 rum alter lignis colligendis sabbatum, alter
 blasphemis vocibus supremum Numen violare
 est ausus. Præter hoc Maria Moylis soror
 quòd fratri obtrectâisset, fœdissimâ infecta est
 eprâ. Quia & Moyli ipsi ac Aaroni terræ il-
 ius fortunatæ ingressa est interdictum eâ so-
 lum de causa, quòd subdubitârint, an DEUS
 populo tam ingtato ac rebelli aquas é petra
 daturus esset.

2. *Quæ Deus supplicia populo irogavit?*

Diu quidem iustissimum Numen, Moyse de-
 precante, vindicem cohibuit manum, sed eò
 dilemum pœna fait gravior, quò tardior. Ac
 quidem ob idololatriæ crimen, in aurei vi-

tuli adoratione commissum, ad tria & viginti explorato
 millia à Moysè, & Levitis, DEI honorem stre templ
 nuè vindicantibus, contrucidati fuère, aliis no 5.
 parcis occulta peste sublatis. Moysè

2. Cum plurimi iter à monte Sina tribu cum
 diebus continuatum, prosequi recusarent, igni maniqu
 in querulos & ignavos cessatores divinitus ebentur
 missus, extremam castrorum partem cum iis ginta t
 qui itineris tædio ex omni tribu substiterant dere, i
 absumpsit, majorem longè editurus stragem sumun
 nisi hanc Moyses precibus suis avertisset. Lo tator
 cus exinde: *Incenso* est appellatus. lam e

3. Vix ultrice hac flamma restincta, multa millia
 millia cùm Mannæ subeunte fastidio, carne lesti i
 gulosius appeterent, & coturnicibus, ingenti 6.
 copia divinitus submissis, se se ingurgitarent tionu
 ingluviem suam morte luerunt, unde loco il viper
 nomen *Sepulchra concupiscentiæ* inditum. garit,

4. Cùm post duodecim exploratorum Ceter
 Chananitide reditum factiosus ille populu peteba
 desperata terræ divinitus promissæ possessione nus,
 in solitudinæ mori præoptaret, DEUS votu solo a
 hoc ratum habuit, proindeque rebellibus de nuère.
 nuntiari jussit, neminem ex omni bellatoru 7.
 multitudine, qui vigesimam ætatis annum s onis t
 perasset, pedem in Palæstinam illaturum, se hatio
 quadraginta annorum spatio post longas vi ad l
 rum ambages in desertis Arabiæ occubituro que
 Josue duntaxat & Calebo, qui meticulosi huma
 animos addiderant, exceptis. Reliqui porrò e dem
 plo-

igintolutores decem ad aliorum terrorem & e-
n firexemplum subita morte sunt extincti.

is non 5. Core, Dathan, & Abiron, atrocissima in
Moysen & Aaronem conspiratione conflata,
tribum domesticorum, & conjuratorum turba o-
ignimnique supellectili, vasto terræ hiatu absor-
tū esentur, eodemque tempore ducenti quinquā-
um iisginta facinoris socii, dum thus parant incen-
erant dēre, incenduntur ipsi, flammisque penitus ab-
ragemumuntur. Nec mitius actum cum eorundem
7. Loī autoribus, tantam suorum cladem Moysi pa-
am exprobare ausis, quorum ferè quindena
multa millia cum tentoriis, cæterisque utensilibus ex-
carnelesti incendio conflagrârunt.

ngent 6. Tandem, cū querelarum & murmura-
entionum nullus esset finis, DEUS pessimam hanc
co illi perarum progeniem serpentibus ignitis casti-
gavit, quorum moribus longè plurimi periēre
rum Cæteris, qui ducti pœnitentiâ, delicti veniam
opulu petebant, præsens remedium attulit serpens æ-
ffioneus, sublimi è pertica conspicuus, cujus vel
votusolo aspectu lethaliter faucii protinus consa-
us denuère.

atorum 7. Sed nemo Hebræis toto illo peregrinati-
um suonis tempore gravius nocuit, quam Balaam
am, sephariolus, quem cū Balacus Moabitarum Rex
as via ad Isrâélitas diris devovendos conduxisset, is-
bituroque nihilominus, & Angeli admonitu, & asinæ,
blofis humana voce colloquantis, objurgatione, iis-
orredem vel invitus, DEO scilicet impellente, ite-

rum iterumque bene precatus esset; Balaco indignissimè id ferenti, postmodum auctor fuit, ut per mulieres Moabitidas & Madianitidas eos ad lascivos primùm amores, dein ad idoli quoque Beelphegor cultum pelliceret. E verò consilio iniquissimo exoptatus respondi-
eventus; longè plurimis ad infandos amores & sacra traductis, in quos DEUS tam severè animadvertit, ut exiguum intra temporis spatium quatuor ac viginti hominum millia ve-
peste, vel furca, vel gladio sint sublata.

C A P U T II.
De Judicibus post obitum Moy-
sis usque ad Gedeonem.

§. I.

Josue.

a. *Quis post Moysis obitum populo Dei
præfuit?*

Josue. Hunc Moyses ipse ex hac vita dis-
cessurus, præfecit populo, graviter severeque
admonito, DEO ut fidem semper integram in-
violatamque præstaret, ejusque mandatis se-
dulò obtemperaret. Supremò dein montis Ne-
bonis vertice còscenso, postquam populo inde
universo bene iterum precatus est, terramque
illam, quam Numine prohibente pede non po-
tuit, oculis saltem obiit perlustravitque, sum-

no omnium luctu & comploratione excessit
corpore, quod protinus Angeli tumulo, in
ane usque diem incognito, intulere.

2. *Qua ratione Josue filios Israël Jordanem
trajecit?*

Memorabili omninò prodigio: nam aquæ,
atut maximè id temporis, exundantes cursum
um omnem usque eo inhibuere, dum popu-
us univèrsus sicco vestigio in adversam ripam
vavit. 2584.

3. *Quo pacto urbs Jericho capta & expu-
gnata est?*

Non armorum vi, sed cælesti iterum pro-
digio; nam ubi Josue DEI jussu Arcam Fæde-
ris, clangentibus buccinis, per dies septem, ac
die septimo septies circumferri jussit, muri
munitissimi ad solum tubarum sonitum & po-
puli vociferationem sponte sua omni ex par-
te corruerunt. 2584.

4. *Quid in expeditione, contra Regem Adonisedes
suscepta memoratu dignum accidit?*

Gabzonitæ Josuem, artificiose mendacio cir-
cumventum, ad amicitiam secum pacificandam
callidè induxerant; quapropter ab Adonisede-
co, & aliis quatuor Regibus, tanquam hostes
& transfugæ, junctis viribus oppugnati, sup-
petias à Josue petunt ac impetrant. Hic cum
omni suo exercitu ad hostem, qua maxime
potuit celeritate, contendens, secundo prælio
cum

cum quinque illis Regibus strenuè dimicavit
 veritus tamen, ne die jamjam in vesperum in-
 clinante, nox ingruens hostes Hebræorum gla-
 diis eriperet, singulari in DEUM fide ac fidu-
 cia fretus, solem tandiu jussit consistere, quo
 ad hostem internecione deleisset. Dictum sa-
 ctum: ad hominis imperium, obtupescente u-
 niversa natura sol subsistens diem horis ipsis
 quatuordecim producit, donec hoste occidio-
 ne occiso, vicis, ac triumphum egit Israël. 2584
 Josue porrò Chananitide in reliquas Israëli-
 tribus divisa, provecta tandem atate è vivis
 excessit.

§. II.

Othoniel. Aod. Debbora, & Ba-
 racus.

1. *Quis Josue demortuo, Remplicam ad-
 ministravit ?*

Post Josue obitum aliquot annorum interre-
 gnum fuit, optimatibus ac Senioribus ad rei-
 publicæ clavum sedentibus; quo tempore A-
 donibesec Chananæorum Rex à tribu Juda &
 Simeonis, ductore Calebo, acie victus, pedi-
 busque ac manibus mutilatus, talionis pœnam
 solvit; eodem, quo septem antè Reges affece-
 rat, multatus supplicio. Inde Israëlitz ur-
 bes alias cepère, alias vestigales fecère, feli-
 ces sanè futuri, si in avita semper religione
 per-

perstitissent, qua deserta, deseruntur & ipsi a DEO & Chusano Mosopotamiae Regi in captivitatem traduntur, è qua tamen eos, ubi refuere, victo ac caeso Chusano, eripuit Othoniel, è tribu Juda oriundus, qui populum regxit annis 40. usque ad annum mundi. 2640.

2. *Quis Othoniela successit?*

Aod, qui Eglone Moabitarum Rege interempto, populum è durissima servitute exemit Præfuit annos octoginta usque ad annum 2720. Sub hæc tempora Samgar Hebræus excentos è Philisthæis, latrocinia & prædas agentibus, non aliis armis, quàm vomere instructus, interfecit.

3. *Quis tyrannicum Jabinè jugum ab Hebræorum cervicibus depulit?*

Debbora, quæ vel imperio, vel certè consilio annis quadraginta cum Baraco populum regebat; & Jachel, virili ambæ animo mulieres. Illa divino afflata numine (quippe Prophetis erat) Baracum, Hebræi exercitus ductorem contra Jabinum Channazorum Regem, qui Israëlitas ob restauratum idolorum cultum iusta DEI permissione oppresserat, ad arma concitat, insigni de hostibus partâ victoriæ: Hæc Sisaram, summum rei militaris apud Jabinum Regem præfectum, ex acie profugum, hospitio excipit, haustuque lactis consopitum, rabali clave transfigit, sicque bello simul ac servituti finem imponit.

C A P U T III.

De Gedeone ejusque successoribus usque ad Samsonem.

§. I.

Gedeon.

I. *Qua ratione Gedeon Judex & ductor populû Israelitici est renuntiatus?*

Mortuo Baraco & Debbora, Irâélitz in prâstina denuò scelera, cultumque dæmonum relapsi, Madianiticæ servituti addicuntur. Verùm dum tantis oppressi malis divinum implorant subsidium, DEUS Gedeonem populû Ducem, ac libertatis vindicem constituit. Quocirca ubi Gedeon è cælesti internuntio cegnovit, nõ ante provinciam sibi delatam accepit, quàm DEI sibi voluntas certioribus signis demonstrata fuisset. Neque contentus miraculo, quod Angelus solo baculi contactu ignem è petra elicuerat, carnes & panes superimpositos exedentem, geminum insuper prodigium non suâ quàm commilitonum causa à DEO poposcit; a primò quidem vellus ut ovillum, in area subdiali expansum, rore antelucano perfunderetur, terra omni reliqua prorsus intacta, dein verò ut hæc circumcirca madefieret, veller pænitus sicco. Quo duplici ostento confirmatus imposto sibi oneri humeros subjecit. 2768

2. *Quos milites Gedeon adversus Madianitas in aciem eduxit?*

Duorum & triginta millium exercitus in armis jam stabat, verum DEUS numerum immi-
nui voluit, ne victoriam suis tribuerent viri-
bus Israëlita. Itaque præconis voce admoni-
ti, ut, qui animo essent meticuloso, abirent, ad
duo & viginti millia à signis sunt dilapsi; de-
cem duntaxat millibus persistentibus. Sed &
hic numerus, DEO jubente, contrahendus e-
rat, itaque in hostem educendi, qui è vicino a-
mine aquam, manu concava haustam, canum
instar hingerent, quorum trecenti duntaxat e-
rant, reliquis, qui proni flexis poplitibus bi-
borent, domum remissis. 2768.

3. *Quomodo Madianita victi ac prostrati fuerunt?*

Nova prorsus atque insolita bellandi methodo,
nam Gedeon DEI jussu trecentos hos milites
non aliis armis, quam suâ quemque tubâ &
face, hydriæ inclusa instruxit. Sic armati,
nocte concubia hostium castra cingere, dato-
que signo tubas pariter inflare, lagenas colli-
dere, redisque in altum sublatis, vociferari ex-
petero. *Gladius Domini & Gedeonis!* Quæ o-
mnia tantum hostibus terrorem incussere, ut
mutuis sese cædibus ipsi conficerent trecentis
millis militibus, ne exerto quidem gladio, tan-
tam hostiû cladem impunè aspicientibus. 2768.

§. II.

Abimelech, Jephthe.

1. *Qua Abimelechi fuit fortuna?*

Erat hic Gedeonis filius, qui parente è vivo sublato, principatum sibi arrogaverat. Hunc in finem septuaginta fratres, præter natum minimum, qui è tyranni manibus evaserat, obtruncari jussit. Verùm haud diuturna ejus era-
dominatio, DEO justas à fraticida poenas ce-
leriter repetente. Dum igitur in oppugnati-
one urbis Thebes turri ignem admoveere parat
una ex propugnantibus lapidis molaris fra-
gmen tanta vi in tyranni caput dejecit, ut ce-
rebrum diffluxerit. Ne tamen manu mulieri
interiisse diceretur, armigero se jugulandum
præbuit. 2803.

2. *Quis huic in præfectura successit?*

Thola, & huic Jair, quo jus dicente, po-
pulus nova iterum servitute ab Ammonitis &
Philisthæis premi cæpit.

3. *Quis populum denudè in libertatem vin-
dicavit?*

Jephthe, proximus in prætura successor. Hi
signa cum hoste collaturus vovit DEO se im-
molaturum, quidquid, relatâ victoriâ, domum
revertenti primum occurrisset. Occurrit pri-
ma omnium filia unica, parenti victoriam gra-
tulatura. Stetit promissis heros, ac filiam ela-
psus, quod unum rogaverat, binis mensibus

col-

collum ultrò porrigentem suamet obtruncavit manu. 2849.

4. *Quinam à morte Jephthe ad Samsonem usque Reip: gubernacula tenuère?*

Abesan, Ajalon, & Abdon, de quibus nihil singulari dignum memoriâ sacræ tradunt Literæ.

C A P U T IV.

De ultimis 3. Judicibus, Samsonne, Heli, & Samuele.

§. I.

Samson.

1. *Quis populum Hebræum Philistinorum servitute liberavit?*

Samson, qui jam inde à puero DEO consecratus, Nazaræorum ritu intonsam aleercæfariem vinòque & omni potu inebriante abstinere divinitus jubebatur.

2. *Num hic Philisthæos acie, apertoque Marte profligavit?*

Haud istud quidem; varias tamen clades, DEO impellente, unus ipse solùsque iis contulit. Ac primo quidem trecentarum, quas cepit, vulpium lingua paria, inter se colligata, annexis ad caudas tedis ardentibus, in Philisthæorum segetes jam maturas immisit, grassante latè flamma, & vineas insuper ac olive, ta depascente.

3. *Quâ via è manibus Philisthæorum qui captivum
abduxerant evasit?*

Cùm vitis Juda tantum non esset animi, v
minacia Philisthæorum postulata rejicerent
Samsonē iis vinctum tradidère, ob incensas se
getes pœnas daturam. Quem dum Barbari
successu ovantes, velut feram retibus implica
tam, secum abstrahunt ruptis repentè funibus
& arreptâ, quam fortè jacentem viderat, a
maxillâ, mille omnino Philisthæos trucidat, cœ
teris fugâ dilapsis. Inde labore simul sitiqu
confectus, fontem, ex ipso ad eodè maxillæ den
te molari, inaudito prodigio ubertim profu
entem, fufis ad Deum precibus impetrat.

3. *Quid in urbe Goza memoratu dignum gessit?*

Ibidem pernoctanti novas iterum infid
as parant Philisthæi, præclusis omnibus eva
dendi viis. Qua de re divinitus edoctus Sam
son, media nocte confurgit, portæque fores ge
minas, cum postibus revulsas, ad vicini mon
tis verticem humeris deportat.

5. *Quibus demum artibus Philisthæi Samsonem
circumvenère?*

Fraude atque infidiis Dalilæ, quam amor
insano deperibat. Hæc precibus, lacrimis
blanditiis amasium urgere non destitit, quoz
fessus tandem est. robur suum omne in crini
bus residere, quibus proin dormienti detor
sis,

is, captus ab hostibus, & oculo utroque est orbatus. 2898.

6. *Quas hic pœnas tandem de Philisthæis sumpsit?*

Horum primoribus ad solemne sacrificium & epulas congregatis; Samson ludicrum daturus spectaculum producit. Dum cæco huic ludioni ab omnibus certatim illuditur, hic implorata Dei ope, qua pristinas sibi vires reddi petiit, columnas geminas, quibus tota incumbebat ædificii moles, utrâqueprehendens manu, tam validè concussit, ut domo pœnitùs subversa, se, & quotquot spectatum, confluxerant, communi ruina oppresserit, simulque finem diuturnæ servituti attulerit. 2899.

§. II.

Heli, & Samuel.

1. *Quid de Heli sacer codex meminit?*

Is Pontificis simul ac Judicis munere fungebatur, cui duò erant filii, Ophni & Phines Sacerdotalis ambo officii adjutores, sed enormibus uterque sceleribus & sacrilegiis infames, nam & partem ex iis, quæ offerebantur sibi decerpere, oblaturis, & quod optimum electissimumque erat, vi præripere non dubitarunt. Connivebat interim parens, vel certè leniùs, ac scelerum exigebat atrocitas, delinquentes castigabat.

2. *Quæ idcirco pœna huic solvenda erant?*

Ut Hebræi, à Philisthæis nuper profligati, felicioribus auspiciis pugnam redintegrarent, Arcam, divini oraculi sedem, in castra secum attulerant, propiore, atque adeò propitio magis Numine dimicaturi. At secus evenit; nam occisa Hebræorum triginta millia, Arca ab hostibus capta, cæsi Ophni, & Phinees, Heli ipse, nuncio funestæ cladis accepto, è sella corruens, subitò est extinctus. 2939.

3. *Quis post Heli interitum populo præfuit?*

Samuel vates sanctissimus. Hic nihil antiquius duxit, quàm ut populus offenso cum Numine rediret in gratiam. Igitur comitia, in Maspha celebranda, edicit, ubi cætui universo mentem suam pluribus exponit, piaculæ indicto sacrificio. Nec inobsequentem habuit populum, quippe qui ejurato idolorum cultu, DEO totum se dicare seriò decreverat. Nec dum dimissa erat concio, cum Philisthæi, haud maximè occasione utendum rati, inermem turbam armati aggrediuntur. Verùm Samuel & prece & sacrificio novas è cælo suppetias impetravit, horrenda videlicet tonitrua, ignes & fulmina, quibus hostes territi & in fugam acti atque ab insequente populo ingenti clade sunt affecti. 2960.

4. *Quid captâ Domini Arcâ factum?*

Ad hanc remittendam DEUS Philisthæos gravissimis calamitatibus compulit, pestilente scilicet

missima fœdisque ulceribus homines, agros ve-
 ò immensa murium copia depascente. Itaque
 Arcam plastro novo, cui trahendo binas vac-
 as, vitulos recens enixas, junxerant, imposi-
 am, sine itineris duce & rectore cum anathe-
 natis dimittunt. Hæ recto tramite Israëlita-
 um regiones petunt. Cùmque urbem Bethsa-
 nes attigissent, incredibile dictu est, quanto
 populi plausu ac lætitiâ Arca sit excepta. Sed
 continuo gaudia hæc gravior interceptit luctus,
 iris septuaginta è primoribus, è plebe verò
 permiscua quinquaginta millibus repentina
 morte sublatis, quod Arcam curiosius inspi-
 cere sint ausi.

5. *Cur dignitas judiciaria cum Samuele
 exspiravit?*

Cùm Samuel filios reliquisset à paterna pie-
 tate, atque integritate omnino degeneres, an-
 im inde arripuit populus Regem postulandi,
 ut aliarum gentium instar, belli pacisque
 temporibus ipsos regeret. Quorum desiderio
 Samuel, consulto prius Numine, annuit.

Animadversiones
 Ad quartam Historiæ Biblicæ
 partem.

- I. *Quanam quarta hac mundi ætate Reipublicæ
 Israëlitica forma erat & conditio?*

E

Cùm

Cum DEUS populi Duces, rectoresque ut plurimum ipse designare, iisdemque, quid factum quidve cauto opus, singulatim dictare confueverit, regimen illud nec Monarchicum, nec Aristocraticum, nec Democraticum, sed reus Theocraticum dixeris. Ad populum verum quod attinet, omni euripo mutabilior erant jam enim affluente rerum copia, in omnia scelera effundebat; jam reflante adversitate vento, ad DEUM, bonorum omnium Oceanum se recipiebat; jam Regum & gentium vicinarum perversos mores, Deo que sectando in servitutem est traditus. 1. Chusano, 2. Egloni, 3. Jabino, 4. Madianitis, 5. Ammonitis, 6. Philistinis. Jam poenitentia ducte, ad DEUM & meliora conversum, servitute iterum exemit. 1. Censurathoniel, 2. Aod, 3. Debhora cum Baraco, 4. Gedeon, 5. Jephthe, 6. Samson, omnes divinitus excitati, caelestibusque idcirco praesidiis & armis instructi.

2. *Quis per reliquum terrarum orbem tunc status erat?*

Regnum Assyriorum & amplitudine, & potentia caeteris omnibus praestabat. Regia in Mesopotamia des Ninive erat, ubi Assyrii, Reges dicam, ventris mancipia, genio unice indulgebant. Cultus veri Numinis mundo ferme toto exulabat, regnante ubique idololatria. In hac tenebrosissima pudendorum scelerum nocte lucidissimi instar sideris resplenduit, ex

ut pluviz profusus fortitudinis & patientiz radios
 factu aquaversum diffundens, Job Esavi prone-
 consuetos, è rigione Hus, Arabiz contermina ori-
 m, nendus.

3. *Cur Deus populum Israëliticum tot annorum
 intervallo per desertas inviasque solitudines
 circumduxit?*

Cùm ut toties, tamque proterve obmurmurantes castigaret, tum ut hostes, quemadmodum scelerum suorum mensuram paulatim commiserant, ita, pœna pari passu eos insequente, detentim attererentur.

4. *Cur Deus Moysis corpus in sepulchro prorsus ignoto condidit voluit?*

Ut populo illi, ad idololatriam longè prope-
 1. Censissimo, occasionem omnem præriperet, di-
 nos Moysi honores decernendi.

5. *Quenam erant 12. tribus Israël?*

Hæ à decem Jacobi Patriarchæ, & duobus Josephi filiis nomen & genus traxere, videlicet, 1. tribus Juda, 2. Benjamin, 3. Simeon, 4. Dan, 5. Nephthali, 6. Gad, 7. Aser, 8. Issachar, 9. Zabulon, 10. Ruben. 11. Ephraim, 12. Manasse, è quibus Manasses patruo suo Levi, sacerdotalia munia speciatim delecto; Epiphanimus verò Josepho parenti est subrogatus.

Quando & à quo duodecim his tribubus terra illa promissa fuit divisa?

Tribui Ruben & Gad cum dimidia tribu Manasse

nasse terra trans Jordanem à Moysè; reliqua
verò tribubus cis Jordanem à Josue est assigna-
ta. Sola tribus Levi, quæ, utpote ad sacra ri-
curanda divinitus destinata, agros colere non
poterat, nullam terræ portionem accepit, sed
reliquis tribubus, ut pietatem ubique serere
permista, frugum omnium decimis, primiti-
& iis, quæ DEO offerebantur, largè sustentan-
batur, attributis ad habitationem urbibus octo
& quadraginta, è quibus sex asyli jure donat

P A R S V.

Reges Hebræorum usque ad capti-
vitatem Babylonicam.

Hic memorandus est. 1. Rex Saul, 2. David,
3. Salomon, 4. Reges Israël, 5. Reges Juda.

C A P U T I.

Rex Saul.

§. I.

Saulis res gestæ, ejusque re-
pudiatio.

1. *Qua ratione Saul ad Regiam dignitatem
est erectus?*

Cùm Samuel DEO jubente jus Regis, seu
tius

us regii juris abusum, malorumque & one-
 am, quæ regio sub dominatu exantlanda essent,
 iadem populo prænuntjasset, ne tamen is à
 ege petendo disisteret, Saulem DEUS desi-
 avit, habitu & majestate inter cæteros emi-
 entem, quem Samuel Regem inunxit, cum a-
 nissos Cis parentis sui ainos conquiriturus,
 atemque hac de re consulturus, ad se diver-
 sset. 2962.

2. *Quos præcipue hostes Saul sibi infestos
 habuit?*

Philisthæos, & Amalecitas, Hebræo semper
 omni longè infensissimos. Philisthæi à Jo-
 atha, ejusque armigero, facto repenti in ca-
 ara impetu, magno primùm terrore completi,
 am dissipatis odinibus, mutua se cæde con-
 ucidare, ac demum à superveniente Saule i-
 so panitus profligari cæperunt.

*Quem exitum habuit expeditio contra Amale-
 citas suscepta?*

DEUS Sauli per Samuelem Prophetam denun-
 iari jussit, ut Amalecitis, qui scelerum suorum
 imjam expleissent mensuram, bellum inferret.
 De victoria ne dubitaret; id tamen caveret, de
 ræda & exercitu hostili ne quid reliqui fa-
 eret, sed pecora æque ac homines cum supel-
 etili universa igni ferròque deleret. Vicit
 aul hostes; at se ipse ut vinceret, Deoque
 bmitteret, imperare sibi haud potuit, Rege

Agago ad triumphum credo præda verò op-
more ad sacrificium, contra ac DEUS mand-
verat, reservata.

4. *Quid DEUS Regi contumaci, ac refractario p-
Samuelem denunciari iussit?*

Præstabiliorem omni victima esse obedient-
am, quam quia arrogante contumacia abjec-
set, ipsum quoque à DEO abjectum, Regem
que alium meliorem & obsequentiore eide
suffectum iri. Mox Samuel Agagum pingvi-
simum, ad se adductum, suapte dexterâ in fr-
sta concidit.

5. *Quem DEUS Regem in Saulis locum
subrogavit?*

Davidem, Isai filium natu minimum. Hun-
dum annum ageret circiter vicesimum, atqu-
ad eam diem pascendis parentis sui gregibus
operam daret, Samuel rure accitum, patern-
in oppido Bethlehem privatos intra pariete
ne res Sauli suboleret, Regem innoxit. 296.

§ II.

Saulis, à D E O reprobati,
facinora.

I. *Quid Saule factum, ex quo David Rex est in-
auguratus?*

Dum hic Divino impletur & agitur spiritu, at-
illum

illum genius, humori melancholico permixtus,
 in furorem sæpe agit, ac propè ad insaniam re-
 digit. Molo huic strenuum ac præsens reme-
 dium allaturam sperant musicam, igitur in ci-
 tharedum inquitur; nec alius magis idoneus
 est inventus Davide; qui proin è pascuis ad
 aulam accersitus, suavi vocis ac fidium con-
 centu turbulentos animi motus mirè sedavit,
 Regi exinde acceptissimus.

2. *Quid de gigante Goliath memorandum?*

Cùm Philisthæi novo iterum bello Hebræos
 accesserent, exercitus uterque edito in colle
 vicina locabat castra. Inter barbaros Goliath
 præcipuè eminebat & mole corporis, & ar-
 morum pondere, & nimia ferocia planè gigas.
 Hic per dies 40. virum sibi ex omni Israëlita-
 rum numero sisti quotidie iterata provocatio-
 ne postulat, qui singulari secum certamine de
 rei summa decernat. At nemo unus erat, qui
 cum immani hoc monstro pedem conferre au-
 deret, donec tandem David, fortè fortuna à
 parente cum commeatu ad fratres missus, cum
 thraosæ hoc in arenam descendere animum
 ultro induxit. Facta igitur à Rege alex ten-
 tandæ potestate, non nisi armis pastoritiis, ba-
 culo, fundâ, & quinis è torrente lapidibus in-
 structus, adversus hostem procedit, moxque
 fundâ circumactâ, lapidem vi tanta librat in
 Goliathi frontem, ut carnea hæc moles ingea-

ti cum fragore in terram præceps rueret. Jacenti ac palpitanti caput gladio, ex adversaria vagina educto, confestim præcidit victor, tum mo ubique exceptus plausu, & secunda populi gratulantis admurmuratione. Verùm unde de David summam inire debuerat gratiam, inde de maximam sibi conflavit invidiam, à Saul ipso, cujus thronum vel capitis periculo statuerat, indignissimè divexatus.

3. *Quas Saul Davidis vitæ insidias struxit?*

Hunc ut è medio tolleret, nullum non lapidem movit. At 1. quidem pristino illo furoris æstro correptus, Davidem, citharâ maluit huic remedium afferre parantem, lanceâ seminatque iterum appetiit, confixurus haud dubi fidicinem, nisi hic modò capitis declinatione modò celeri fuga ictum frustrafrasset.

2. Filiam suam Davidi eo demum pacto nuptui daturum se recepit, si centum Philisthæos jugulasset, spe fretus, fore, ut ipse prior occumberet. Verùm is ducentis eorum cæsis Micholem, invito licet socero, uxorem duxit.

3. Davidis domum de nocte militari undique corona cingi jussit, ut die illucescente captivum adducerent. At Michol impios parertis conatus elusura, maritum nocte interpeffva per fenestram fune dimisit, ac ne facultate ei tempusque deesset, quo in tutum se recipere, ligneum hominis simulacrum ad fallendos milites in lecto reposuit.

Ja 4. Cùm Saul Davidem ad Samuelem confu-
terlarisse intellexisset, missis illico satellitibus aliis
tumque aliis fugientem intercipi, vindictamque
popud se perduci iussit. At enim, pedem hi in x-
a unes Prophetæ intulerant, cùm mox divino af-
m, inati Spiritu, non jam vincula, sed oracula pro-
Saulere incipiunt. Quod ipsi quoque Sauli, pau-
lo sta post supervenienti evenit, è sanguinario par-
cida in Prophetam fatidicum repente mutato.

5. Saul Davidem, per desertas solitudines,
montes & sylvas, oberrantem, valido cum e-
lapiercitu est insecutus, junctis eum viribus op-
furo ugnaturus, suamque in potestatem, redactu-
malus. Sed irritæ fuere hæ omnes molitiones,
i seme DEO Davidem cælestibus ubique firmante
dubio xfidii.

4. *Qui verò tot inter, adversa se gessit David?*

It virum pium, patientem ac magnanimum
to nu ecet. Vitam ut plurimum fugiendo serva-
stho it. Ac primò quidem, ad Samuelem Prophe-
or oc am, dein ad Achimelechum Sacerdotem, inde
ca ssa desertum est digressus. Ubi quam aspere ac
duxit. okumaniter à Nabalo, tam prolixè comiterque
undi b ejus uxore Abigail est tractatus. Tandem
nte ca ùm apud populares suos nusquam securo es-
pare nte liceret, ad ipsum Philisthorum Regem A-
mpe sthis confugit, qui urbem Siceleg habitandam
aculta oncessit. Nec deerat Davidi occasio Saulem,
recipe iostem suum juratum, perdendi, tunc præci-
lendo uè, quando Regi ad eum, quò se ipse recepe-
rat,

rat, specum forte divertenti, cum caput potu-
 issit, non nisi clamidis regie particulam præ-
 secuit: aut quando intempeste noctis silentio
 in castra, ipsumque adeo Regis tabernaculum
 Abisai comite, ingressus, hastam solam cum a-
 qua scypho dormienti abstulit. Quo com-
 perto, Saul propensissimum in se Davidis ani-
 mum perspexit quidem; nec tamen destitit in-
 fontem persequi.

5. *Quo tandem mortis genere Saul occubuit?*

Dum hic in pugna cum Philistæis inauspica-
 to inita, grave vulnus accepisset, ne moriturus
 hostis insultaret, adstantem rogavit armigerum
 ferro ut se perimeret. Quo impium obsequi-
 um averfante, suus ipse carnifex, in ensis præ-
 desperatione incubuit. Hujus mortem non
 minore lætu David, quam gaudio Philistæi
 sunt persecuti, qui demortui caput, cervicibus
 abscissum, per urbes suas omnes, velut in tri-
 umpho circumtulere, cadavere è muro Beth-
 san ad ludibrium suspenso, quod tamen Jabe-
 sitæ de nocte sublatum, publico urbis lætu
 terræ mandârunt, Davide officium, curandæ
 funeri impensum, prolixè laudante, ac remun-
 nerante. 2979.



DAV
 I.
 A S
 his H
 trigefi
 cum d
 sbose
 imper
 dem
 inaug
 Qu
 Piet
 ptimor
 pecim
 Arcz.
 quasi,
 Hiero
 gni se
 maxi
 tamen
 Oza

C A P U T II.

De Rege Davide.

§. I.

Davidis præclara initia, ejusque lapsus.

1. *Quando David regni possessionem adiit?*

A Saulis obitu, consulto prius Numine, cum Hebronem commigravit, ubi anno ætatis vigesimo Rex palam inunctus, annos septem et dimidio soli Tribui Judæ præesse cepit, Isobosetho, Saulis filio, reliquis II. Tribubus imperante, quo per sicarios interempto, tandem totius Israël's, id est, 12. Tribuum Rex inauguratus est David.

2. *Quibus firmamentis, præsidis que Imperium suum stabilivit?*

Pietatis præcipuè, ac religionis cultu, & optimorum administratorum delectu. Pietatis specimen planè eximium dedit in translatione Arcæ. Erat hæc à pluribus jam annis exul quasi, & propè neglecta; itaque eam David Hierosolymam, quam profligatis Jebusæis, regi sedem constituerat, transferendam curavit, maximo populi concursu gratulatione; quam amen ex improviseo interturbavit repentinus Dæ interitus, vel quòd Arcam, à solis alioqui

Sacerdotibus tangendam, attrectasset Levita
 vel quòd eandem, humeris ex lege imponen-
 dam, plautro admovisset, non sine lapsionis pe-
 riculo, quod dum propulsare tentat, subito ex-
 spiravit. Percussus eo calu David, ausus non
 est Arcam in suam referre domum; sed in æde
 Obededom Levitæ deduci jussit, maximo ejus-
 dem bono atque emolumento. Quod ubi
 nuntiatum est Regi, trimestri exaëto, Arca re-
 petitur, solemniori pompa, & apparatu longè
 magnificentissimo, non jam plautro, sed Sacer-
 dotum humeris destinatum ad locum depor-
 tanda, ubi Rex ipse regia veste posita, ac lineâ
 Ephod dictâ, indutus, Arcæ præsulabat, insul-
 tante incassum Michole, superba conjugæ sua

3. *Quæ bella gessit David?*

Postquam Israëlîs totius Rex salutatus, ac ter-
 tiùm est inunctus, Hebrone Hierosolymarum
 cum valida suorum manu contendens, Sioni
 arcem, prope inexpugnabilem, pulsus inde Je-
 busæis, occupat. Mox armis in Philisthæo-
 rum conversis, de his geminam, sed multò illustri-
 rem de se reportat victoriam, dum aquam, è ci-
 sterna Bethlehemitica à tribus viris fortissimis
 perrupta Philisthæorum statione, allatam no-
 luit bibere, sed in omnium conspectu effun-
 dens, DEO libavit. Ad reliquos subinde Israël-
 itarum hostes debellandos progressus, Moa-
 bitas, Idumæos, Ammonitas, & Syros in diti-
 nem

Int. Jag.

em suam redegit, stipendio, quod tot jam annis Hebræi pendere cogebantur, ipsis impositis; uade auri, argenti, ærique vis propè immensa ad futuram templi fabricam est collecta.

4. *Quanam origo fuit belli adversus Ammonitas suscepti?*

Miserat Rex David ad Hanonem, Ammonitarum Regem, Legatos, qui pro mutua amicitia marorem, ex parentis obitu conceptum, abtergerent. Verùm hic viros honestissimos pro speculatoribus habitos, Procerum instinctu dimidia parte barbæ & capillitii attonsa, vestibusque ad summum opprobrium mutilatis, renisit. Hanc injuriam, contra jus gentium Legatis illatam, ulturus David, Ammonitas cum subsidiariis Syrorum copiis, ingenti clade iterum rerumque illata, profligat, urbemque eorum regiam Rabbam solo æquat, incolis, accolisque crudeli quidem, digno tamen tot tantisque sceleribus supplicio affectis.

5. *Qua occasione Rex ille pientissimus ad nefarium adulterii, & homicidii scelus est inductus?*

Otio & incautiore fæminæ aspectu; cùm enim post epulas ac meridiationem in solario domûs regis otiosus deambularet, in Bethsabeam, eximia pulehritudine fæminam, oculos conjecit. Ex quo aspectu, veluti scintilla, ventiti amoris incendium longe tristissimum est e-

xortum, non nisi copiosis pœnitentiæ lachrymicis restinguendum. David porrò dum adulterii crimen occultare parat, novo, eoque majore scelere cumulavit, innocentis nempe Uriæ cæde, quem in oppugnatione urbis Rabbæ loci pugnæ iniquissimo exponi, atque à suis deseruisse jussit Ammonitarum telis conficiendum.

§. II.

Davidis pœnitentia, & vitæ exitus laudatissimus.

1. *Quando, quave ratione David cepit respiscere?*

Ut primùm filius, in adulterio susceptus, hanc lucem aspexit, adest mox Nathan Prophetes, à DEO missus, propositaque oviculæ raptæ parabola, Davidi gemini sui sceleris atrocitatem vehementer exprobrat, eidemque, crimen admixtum ingenti cum dolore fletuque confitenti ac detestanti, culpæ quidem gratiam facit: non item pœnæ multiplicis, idcirco subeundæ quam non modò non recusavit, sed libenti etiam animo suscepit David. 2999.

2. *Quanam erant hæ pœnæ?*

1. Mors filii è Bethsabea suscepti, pro cuius vita proroganda multas preces & lacrymas parens fudit. 2. Ammonis filii cædes, ab Absalomo patrata. 3. Absalomi adversus parentem rebellio.

3. *Quid Absalomum ad tantum scelus impulit?*
 Alterius sana regnandi cupiditas degenerem filium eò
 majore degit, ut Patrem solio & vità deturbare de-
 ceat & occiderit. Quare contracto ingenti exercitu,
 e loco urbem regiam Hierosolymam occupandam
 delerit & operat; unde tamen præmonitus David,
 nudis pedibus, flens, & operto capite, reo-
 rum more, fuga cum suis se proripuit. Fugi-
 entem Semei, perfrictæ frontis homo, non sibi
 s modò & convitiis, sed lapidibus appetit,
 hanc atrocem injuriam morte haud dubiè luitu-
 rus, nisi Rex mansuetissimus, justissimam DEI
 meritis manum hic quoque agnoscens, sub-
 ierit & deosculans, suorum impetum cohi-
 uisset.

*Quem tandem impius Absalom perduellionis sua
 fructum tulit?*

Viginti suorum millibus caesis, cæterisque in-
 famam actis, dum ipse quoque, mulo insidens,
 hostium manibus tentat evadere, capillis
 amosæ quercui implicitis, cælum inter ac ter-
 ram hæsit medius, quem Joab, re intellecta,
 confestim accurens tribus lanceis confodit.
 Hanc filii sui perditissimi mortem, non tam præ-
 sentem hanc, quàm æternam illam, David a-
 erbissimo luctu, ejulatione & lacrymis prose-
 quebatur, quas Joab omni licet eloquentiæ vā
 prohibita; abstergere vix potuit.

5. *Cur lues pestifera Israël Regnum invasi?*

Ob gravia populi delicta iusta DEI per-
missione factum est, ut David non sine vanita-
tis & arrogantiæ nota universum bellatorum
numerum iniri juberet. Quapropter DEUS
& hanc Regis, & multò graviores populi noxas
castigaturus, misso Gade Propheta, optionem
facit aut famis triennis, aut belli trimestris,
ut triduanæ pestilentiaë eligendæ. Quam ult-
mam cum præoptasset David, tridui spatio se-
ptuaginta hominum millia interièrè. 3017.

6. *Cuinam David ante suum è vita discessum reg-
gubernacula tradidit?*

Salomoni, viginti & ampliùs annos nato
excluso Adonia, qui, cum & nascendi prære-
gativâ, & optimatum quorundam subsidio sub-
nixus, regnum affectasset. & hòc, & vitâ ipse
est privatus. David portò anno regni sui qu-
dragesimo, ætatis septuagesimo vitam cum
summa gloria posuit, inaccessore Salomone sal-
utissimis monitis instructo. 3019.

C A P U T III.

De Rege Salomone.

§. I.

Salomon Regum sapientissimu

I. *Qua Regni ejus fuèrè initia?*

Longè auspiciatissima, sedente ad Imperii cla-

vum

um ipsâ Sapientiâ, quam ille, jussus à DEO, quod vellet, petere, elegit præ divitiis & gloria; quæ tamen ambæ, velut pedessequæ dominantem illam suam secutæ, Salomonem mortalium omnium felicissimum reddidère. 3020.

Ecquodnam sapientia hujus specimen sacri fasti commemorant?

Cùm duæ mulierulæ, quarum utraque infantem vivum sibi vindicabat, mortuū verò & alterutra in lecto oppressum, utraque abjurabat, ad Salomonem provocâssent, Rex litem anc, oppidò intricatam, ex ipsius naturæ incipio ac testimonio dirempturus, infantē vivum ladio dissecari medium, & utrique partem dari jussit. Hic verò mox matrem natura prodidit: quæ enim infantem dividi postulabat, apposititia, quæ autem vivum servari petiit, mater vera judicata est.

Quo præcipuè monumento Salomon nominis sui memoriam immortalitati commendavit?

Magnificentissimâ illa Templi toto orbe celeberrimi structurâ, quam anno regni sui quarto, ab orbe condito ter millesimo, vigesimo tertio moliri cæpit, ac septimo post anno ad fastigium perduxit, ducentis & amplius hominum millibus hac in fabrica occupatis, è quibus Isrâëliitarum triginta millia, profelytorum,

F

qui

qui ligna & lapides parabant, octoginta, barmagn
 julorum septuaginta millia, operis Praefectorum c
 rum tria millia & sexcenti, non annumeratibue
 tot hominum millibus, quos Hiram Tyri, & Sicilin
 Pharao Aegypti Rex submiserat. Tanta porpersp
 rò arte atque industria ligna & lapides præpta,
 parabantur, ut sine instrumentorum fabriliut quæ p
 usu, ac strepitu jungi inter sese postmodun surpas
 aptarique potuerint.

4. *Num ratam Deus, gratamque habuit, oper
 hujus molitionem?*

Ut cum maximè: id quod in solempni temp
 hujus dedicatione gemino miraculo comprob
 vit, quando & nebula, DEI præsentiam test
 ta, non sine lucida caligine sacram ædem im
 plevit, & ignis cælo delapsus, holocausta &
 victimas paratas combussit. Tenuit hæc se
 lemnitas septem dies, temporis intervallo m
 ctata boum viginti duo, arietum centum
 viginti millia.

5. *Quid Reginam Sabæ Jerosolymas ad Salomone
 invisendum accivit?*

Admiranda illa Salomonis sapientia iuxta
 magnificentia, quæ in ore atque sermone
 mnium percerebuerat. Hanc igitur explor
 tura coram & periclitatura, magno cum c
 mitatu Hierosolymam appulit. Cumque t
 pli ac regis domus majestatem, sacrificioru
 ma-

magnificentiam, mensarum apparatus, ser-
 uum disciplinam, atque alia hujusmodi; præci-
 pue verò summam Regis in ænigmatis ac dis-
 ciliis quæstionibus enodandis sapientiam
 perspexisset, attonita ac pœnè stupore corre-
 pta, fateri non dubitavit, minora longè esse,
 quæ priùs auribus, quàm quæ nunc oculis u-
 idurpasset.

§. II.

Salomon è sapientissimo insipi-
 entissimus.

1. *Quibus tandem prestigis Regum sapientissimus
 usque adeò infatuatus est?*

Amor mulierum insanus Regem illum, tam pi-
 um antehac & sapientem, vergente jam ætate,
 tandem dementiæ adegit, ut qui verò pri-
 us Numini templum augustissimum incredibi-
 li sumptu erexerat juvenis, jam senex, ne mu-
 lieribus displiceret, vanis dæmonum simula-
 ris delubra & aras non excitârit tantùm, sed
 has quoque ac victimas ipsis obtulerit, non
 tam Rex, sed abjectissimum Veneris mancipi-
 um.

2. *Num DEUS hanc, tantam impietatem
 inultam dimisit ac impunitam?*

laudquaquam; nam ubi Salomon effrænatis suæ

is cupiditatibus habenas laxando, sapientiam
 pietatem, pudorem, gloriam, existimationem
 robur mentis & corporis, valetudinem, divi-
 tias, fructus annuos propè immensos, totqu
 insuper tributa & vectigalia, exactioibus a
 cerbissimis extorta, fædè ac impiè dissipavit
 tandem DEUS post iteratas monitiones, seve-
 ramque ingratae mentis exprobrationem, no-
 tantū regni scissionē, decemque tribuū defectio-
 nem ei denuntiari jussit; verū etiam hoste-
 infestissimos, extraneos æquè ac intestinos cor-
 tra ipsum suscitavit. Inter quæ calamitatis pu-
 blicæ præludia Salomon vehementi tristitia, lu-
 ctu & angore, multisque corporis & animi
 morbis, quos intemperantia peperit, confectu
 anno ætatis sexagesimo, regni quadragesimo, i-
 excessit è vita, ut ancipitem de salute sua cor-
 jecturam reliquerit posteris; cum facti anna-
 les, qui crimina ejus gravissima recensent, nu-
 quam, meminerint pœnitentiæ.

3. *Quis, Salomone defuncto, regni erat status*

Quod ad eam diem unicum erat, in duo p-
 stea est divisum, Judaicum nempe & Israël-
 cum. Illud Roboamus, cæterique Davidis p-
 steri: hoc Jeroboam Ephraimita primū, tu
 diversarum Tribuum Reges administrârui
 Scissioni, præter paterna scelera, causam pr-
 buit Roboami imprudentia; hic enim pop-
 no

nomin
 tribute
 nuere
 senten
 Quibu
 animi
 manio
 regnur
 kat Lr
 hzen
 Regib
 Horu
 mnes,
 Israël
 ginta
 novem
 Airpis
 verior
 Nov
 e
 1. Q
 Regn

omine rogatus à Jeroboamo, ut durissimum
 tributorum jugum, à Salomone impositum, mi-
 ueret, rejecto seniorum consilio, ex juniorum
 ententia, superbe, minaciterque respondit.
 Quibus verborum aculeis exulcerati jam antea
 nimi tantopere exasperabantur, ut decem o-
 nnino Tribus, Salomonis stirpem execratae,
 egnum Jeroboamo detulerint, duabus dunta-
 tat Tribubus Juda, & Benjamin Roboamo ad-
 xerentibus. Nos de Israëlitis primùm, tum de
 Regibus Juda agemus.

C A P U T IV.
 De Regibus Israëlitis.

Horum 19. numerantur, seclerati ad unum o-
 nnes, & impii idolorum cultores, qui Regnũ
 Israël obtinũere annis ferè ducentis quinqu-
 ginta quatuor. Nos hic 1. percensebimus
 novem Reges usque ad extirpationem impiæ
 stirpis Achab. 2. Reliquos decem usque ad e-
 versionem Regni Israëlitici.

§. I.

Novem Reges Israëlitis usque ad
 extirpationem impiæ stirpis
 Achab.

1. Quomodo primus Israëlitarum Rex Jeroboam
 Regnum administravit? F3 Ut

Ut nemo pejus; quippe, per Religionis, qua regnorum omnium basis est firmissima, eversum thronum sibi stabilendum duxit; veritus enim, ne Iràelitzæ ad stata solemnia Hierosolymam confluentes, ad regnum Juda paulatim deficerent, illuc sacrorum causâ eos proficisci vetuit. Ac ne templo, arisque & sacrificiis carerent sui, duo delubra in præcipuis regni urbibus excitavit, vitulumque aureum: utrobique adorandum proposuit, Sacerdotes non de tribu Levi, sed vili plebecula delegit, festos dies, ritus, sacrificia instituit; atque ita, dum nova religionis specie, pessimis artibus introducta, regnum firmare voluit, illud planè persumdedit; imperio dejectus & vitâ, æternaque idcirco infamâ notatus. cùm annis regnâsse duobus & viginti necdum completis.

2. *Quis Jeroboamo successit?*

Nadab filius, paternæ impietatis æmulus quem anno post altero Baasa Iràelitici exercitûs ductor, de tribu Issachar oriundus, per insidia interemit, & hac eade, inò universæ stirpis Jeroboamicæ excisione aditum sibi ad regnum munivit, quod annis tribus ac viginti pessimè administravit. Nec Ela filius parente suo melior fuerat, quem, cùm vix annum secundum regnando inchoâset, Zambri, equestris turma ductor, cum tota Baasæ familia extinxit.

3. *Quamdiu regnavit Zambri?*

Hunc Amri septimo post die, quàm regnum in-
 aserat, in urbe regia Therfa obsessum, eò fu-
 oris ac desperationis adegit, ut se, suosque u-
 à cum domo regia combusserit, hac ratione
 corpus atrocioribus, quæ scelestus parricida
 pendere sibi noverat, tormentis, & regias
 pes zmulo prærepturus. Exustâ regiâ, belli ci-
 lis exarsit incendium, his Amrium, illis Theb-
 ium Regem pascensibus, donec Amri, com-
 etitore violenta morte sublato, solus rerum
 otitus, regni sedem Samariam transtulit, ubi
 anno imperii duodecimo vitam sceleratè actam
 ari exitu conclusit.

4. *Quis ab Amri obitu Regni habenas mo-
 deratus est?*

Achab, Amri parentis sceleratissimi scelerator
 ilius. Hunc jam antè à patre impio deprava-
 um, ad omne facinus impulit uxor longè im-
 iissima Jezabel, frustra reclamante ac dehor-
 ante Elia Propheta sanctissimo: qui cum nec
 onitis, nec prodigiis cælestibus quidquam
 proficeret, tandem DEI jussu tam Achabo ipsi,
 quam nefarix ejus conjugi, totique posteritati
 excidium denuntiat: & Achabi quidem san-
 guinem lincturos canes; Jezabelis verò cada-
 ver in prædam iisdem cessurum. Nec aliter
 venit, ac vates prædixerat: nam Achab anno

regni vigesimo secundo in prælie contra Regem Syriæ suscepto sagitta confossus occubuit canibus, dum currus, tabo sædatus, in piscibus Samariz elueretur, cruorem abstersum lambentibus. 3188.

5. *Quid geminis Achabi filii; Ochozia & Joram factum?*

Ochozias, parentis pessimi nihilo melior filius, uno duntaxat anno Achabo superstes fuit: nam cum per canaculi cancellos prolapsus, confossus, quassati corporis remedium à Beelzebub Acheronitarum idolo peterat, iusto DEI iudicio & regno, & vita est turbatus, fratrique Joram nati minori succedendi locum dedit. Huic anno regni duodecimo Jehu, qui ad excidendam impiam Achabi stirpem Rex Israël divinitus est electus, in via occurrentem, jaculo transfixit. Inde Rex novus cum copiis urbem Jezraël ingressus Jezabelem è fenestra per eadem domesticos præcipitari jubet, equorum ungulis proterendam, atque à canibus, et Eliæ prædicatione, disperendam. 3179. Super hæc tempora Elizeus virtutibus, vaticiniis, miraculis claruit.



§. II.

Reliqui decem Reges Isràélitarum usque ad everfionem Regni Isràélitici.

I. *Qua laude Jehu profuit?*

Hic initio regiminis sui ab idolorum cultu filius alienior esse videbatur, ut pote qui non tantum Achabi stirpem universam, sed eam, consecranda quoque Baalis tam fana, quam simul Acacia cum sacrificulis omnibus toto regno exheredavit, dignus idcirco, qui solus ex omni- bus Regibus imperium ad quartam usque generationem obtinuerit. Verum cum nec ipse vitulos aureos, pridem abolendos, sustulisset, ditam trans Jordanem, & regnum, quod pietatis ac religionis cultu in ævum poteris suis stabilire poterat, impietate sua post annos centum & duos amisit. Obiit anno regni sui vigesimo mortem ingloriam, & præclaris suis initiis proفسus abfimilem.

Subiis, mi. Quinam ex Jehu familia in paternum solium sunt erecti, &

Joachaz, Joas, Jeroboam II. & Zacharias, scelerati omnes & primi illius Jeroboami imitatores, quorum primus septemdecim, alter se- lecim, tertius unum & quadraginta annos, & ultimus menses duntaxat sex, post duode- cim.

cim ferè annorum interregnum, imperavit.

3. *Quinam fuere postremi Israëlitarum Reges?*
 Sellum, qui Zachariam post semestrem imperium regno & vita expulit, utroque & ipse expulsus à Manahem, cum uno non amplius mense ragnasset. Manahemo post decem annorum tyrannidem successit Phaceia filius, biennio post sublatus conspiratione Phacee: quibus ubi Regnum annis viginti occupaverat, patricidii sui pœnas ex lege talionis solvit, ab Osea parricida interemptus.

4. *Quomodo tandem regnum hoc penitus est eversum?*

Postquam Reges Israël omnes à Jeroboam ad Oseam usque de impietatis palma concesserunt, ac populus ad Regum suorum exemplum & mores vitam quoque suam conformaverat, impletâ tandem seclerum mensurâ, a iis ipsis captivus est abductus, quorum flagitia sibi imitanda proposuerat. Itaque Salmanassar Assyriorum Rex, Samariâ post tertium obsidionis annum expugnatâ, totòque regno in servitudinem redactò, populum cum Rege Osea in perpetuam servitutem abstraxit, qui inter Tobias vir sanctissimus numerabatur, bonis in captivitate solatio, malis verò ad vitam meliorem incitamento esset. 3314.

* * (91) * *
C A P U T V.

De Regibus Juda.

orum fuère viginti, quorum duodeno priorum, octonos posteriore paragrapho referemus.

§. I.

Duodecim Reges Juda à Roboamo ad Ezechiam.

Quor. ex vicenis his Regibus pietatem constanter coluere?

Quaterni duntaxat, videlicet Josaphat, Joatham, zechias, & Josias. Manasses pessimè cæpta meliore fine emendavit; Afa verò, Joas, & Olias bona initia malo exitu terminârunt. Requæ duodecim sceleratè vivendo æternam noini suo maculam inuulsere. Regnarunt viginti hi Reges universè annos sex & octoginta supra trecentos, ab anno scilicet mundi ter millesimo, ad ter millesimum quadragesimum, quadragesimum sextum.

Quo successu Roboam regnum, 10. Tribuum successione diminutum, gubernavit?

Tunc quoque, perinde ac Salomonem patrem, mulieres perdidere, à quibus jam inde ab adolescentia depravatus, ad omnè dein libidinem ac nefarium idolorum cultum populo factum prætulit. Quapropter iratus DEUS, Se-

facum

facum Ægypti Regem innumerabili cum exercitu in Judæam immisit, qui munitissimis Regni urbibus captis, templique & domûs regni thesauris direptis, gravia insuper tributa imperavit. Obiit Roboamus anno regni sui decimo septimo, infortunatior longè, quòd religionem, quàm quòd regnum maxima sui parte perdidit.

3. *Quis eidem in regno successit?*

Abiam, mali corvi malum ovum. Hic contra Jeroboamum, qui octingenta millia in acie eduxerat, cum quadringentis millibus acie congressus, ac prope circumventus, DEI ope implorata, ceciderunt hostium quinquies centena millia. Nec is tamen tanto beneficio abimitanda patris impietate absterri potuit. Præcoce igitur fato, anno nempe regni tertio è vivis est sublatus, ne diutius DEI beneficium abuteretur.

4. *Num. Asa, ejus successor, felicioribus auspiciis regnavit?*

Hujus initia laudatissima fuère, nam idolis impiæ superstitionis monumentis ubique abolitis, regnum suum omne repurgavit; hinc præmium restauratæ religionis Æthiopum decies centena millia interneccione delevit. Idem tamen justa reprehensione non caruit, quod DEO, cujus opem contra Æthiopes expertus jam erat, diffusus; Syrorum Regis soci-

tem non profano tantum ararii sui, sed sacro
 quoque Templi auro sit mercatus, 2. Quod
 prophetæ, indigni fæderis pœnas denunciati,
 compedes injici, multosque de populo, facinus
 hoc palam improbantes, necari jusserit. 3.
 Quod vehementissimo pedum dolore discrucit-
 us, ad medicos potius, quàm DEUM confu-
 erit. Obiit tandem hoc ipso ex morbo an-
 no regni sui quadragesimo primo, funere sum-
 ptuosissimo elatus. 3120.

5. *Quem hic regni heredem reliquit?*

Iosaphatum Principem religiosissimum, cui
 prima cura religionis, altera justitiæ fuit; hinc
 orbibus ac pagis sacre Legis Doctores, tribu-
 nalibus incorruptos dedit Judices. His pro-
 pugnaculis, religione nempe, & justitia, regni
 sui fines contra hostium incursiones firmissimè
 præmunivit. His solis armis prodigiosam il-
 lam retulit victoriam, quando immensus Bar-
 barorum exercitus, terrore panico divinitus
 immisso, mutuis se cædibus ad internecionem
 usque confecit, tantamque victori incruento
 reliquit prædam, ut ei exportandæ vix tridu-
 um suffecerit. Vitam piè, gloriosèque finiit
 anno Regni sui quinto & vigesimo, mundi
 3145. hoc uno infelix, quod affinitatem &
 fædus contra Syrios cum impio Achabo, &
 commercii societatem cum Ochozia, Achabi
 successore, inierit.

6. Num pari laude Joram filius imperavit & regis
 Hic paterna institutione neglecta, Athalia regis
 conjugem, Achabi & Jezabelis filiam, omniaque se
 impietatis & crudelitatis Magistram habuit, quæ
 qua instigante non solum sex fratres, & quædam
 dam è parentis consiliariis, de medio sustulit, nempe
 sed abominanda insuper vituli aurei, & Baalæ regis
 sacra in regnum Judææ invexit. At mox seorsum, Pr
 fit vindicem DEI manum; nam ab impio hæc vitæ
 numinis desertore defecerunt Idumei, Philistini, Zachari
 hæi, & Arabes, qui Judæam depopulatam, regni
 ipsam expulserunt, filiosque omnes, uno Ochozia
 zia natu minimo superstite, interfecerunt. delicta
 pse verò insanabili viscerum dolore percussus, proce
 totoque biennio dire vexatus, scelestam tantum
 dem animam anno regni quarto evomuit, DEUS
 invisus & hominibus; unde etiam exequiis
 sepulchro caruit regio. comm

7. Quid de Ochozia, & Athalia, & Joas me
 morandum?

Ochozias paternam, maternamque impietatem
 imitatus, à Jehu Achabiceæ stirpis exterminato
 tore, unà cum Joram Israhælis Rege occidit, 5.
 cum anno vix integro sceptrum tenuisset. Amas
 de Athalia thronum, Ochoziæ filii morte vacans, Hiero
 cum, occupans, quidquid supererat stirpis, Joas
 regis, sustulit. zæ o
 tu minimus, avitæ crudelitati ab amita est sustu
 tractus, quem in templo clam educatum an
 a-ta-

ratis septimo Jojadas Pontifex paternum in
 thaliam restituit, exturbatâ & occisâ Furiâ illâ,
 omnia sex annis tyrannidem exercuerat. Tum
 habuerò novo cum Rege caput religio reviresce-
 & quæ, & lætam omnia faciem induere, quoad
 sustulit empe Jojadas, qui Principem optimis confi-
 & Baalis regebat, superstes fuit. At eo vitâ fun-
 nox fecto, Procerum assentationibus corruptus, ab
 pio hævita religione descivit, fana instauravit, &
 Philizachariam Prophetam, Jojadæ filium, impiis
 regionolitionibus adversantem, in ipso templi ve-
 Ochibulo lapidibus obruit. Ob quæ, aliaque
 ant. relicta Judæa regio à Syris devastata, regni
 percussoroceres interempti. Rex ipse in lectulo de-
 am tarumbens à suis est trucidatus, anno regni qua-
 nit, Debragesimo, mundi 3196. Sub hoc tempus Jo-
 quibus nam Prophetam DEUS Niniven ablegavit,
 commune ut urbi excidium denunciaret; quod
 amem & Rex & incolæ pœnitentiâ, seriatim
 eximinum detestatione in tempore averterunt.

5. *Quam laudem Amasas, & Ozias suas
 commeriti?*

Amasiam victum, captumque in urbem regiam
 Hierosolymam triumphati pompâ introduxit
 Joas Israël's Rex, dirutisque manibus, & ga-
 zâ omni tam sacrâ, quàm regiâ direptâ, eun-
 dem sibi vestigalem fecit. Vitam posuit an-
 no regni undetrigesimo, valida suorum con-
 juratione oppressus. Hujus in locum populi
 Au-

studiis suffectus est Azarias, sive Ozias filius
 sedecim annorum adolescens, qui, quamdiu
 DEO adhæsit, cælesti protectus auxilio, re-
 gnum felicissimè administravit; at dum sui ob-
 litus in munus sacerdotale involat, mox lep-
 divinitus afflatus, ab omni etiam civili fun-
 ctione depellitur. Et vita migravit anno re-
 gni quinquagesimo secundo, mundi. 3277.

9. *Quam populi regendi viam inire Joatham &
 zia, & Achaz Joatham filius?*

Longè diversissimam; hinc quantum laudis fi-
 tum religionis studio, tum bellicæ fortitudi-
 nis gloriâ sedecim, quibus regnabat, ante
 comparaverat Joatham parens, tantum infam-
 & dedecoris contraxit Achaz, degener omni-
 no filius, juratusque & Numinis & avitæ re-
 gionis hostis, ac idolorum cultui ad extrema-
 usque insaniam & impietatem deditus. Qu-
 propter, maximis eum cladibus attrivè-
 dumæi, Philisthæi, Reges item Israël, Syri-
 & Assyriorum. Nec sic tamen respuit de-
 mens, sed deterior in dies factus, anno re-
 gni sexto & decimo, mundi 3308. vitam se-
 leratissimè actam cum æterna morte mutav-
 indignus Regum sepulchris & omni poster-
 rum memoriâ.

§. II.

Oratio Reges Juda ab Ezechia usque ad captivitatem Babylonicam.

I. Quis Achazo successit?

Ezechias, pessimi parentis optimus filius, qui nihil antiquius habuit, quam ut religionem, patris impietate propè collapsam, in integrum restitueret, oblitteratis undique nefariae superstitionis vestigiis. Quapropter maximis & prodigiosis à DEO favoribus est cumulatus; sed tunc maximè patuit, quando DEI jussu angelus centum & octoginta quinque millia militum, quos Sennacherib Assyriorum Rex Hierosolymis admovent, una nocte interfecit. Ezechias porò vitam, ingenti miraculo, quo vocatus cum horologii sciaetherici umbra secundus, ad decem annos prorogavit, anno mundi 3337. Aliquot ante annis, quam Ezechia regnum cepisset, urbs Roma à Romulo adiciari capta est anno mundi 3301. Alii 3300. alii 3302. aut serius conditam ajunt.

Quam sibi laudem Manasses regnando peperit?

Duodecim annorum puer erat Manasses, quando ad regni gubernacula, quæ quinquaginta quinque annos ipse tenuit, est admodum, ac primo statim anno pessimis aulicorum consiliis ita depravatus est infelix puer, ut nul-

G

lum

lum propè facinus inausum, intentatumq
reliquerit. Verùm ubi ab Assyriorum Re
ducibus captus, & cum flore nobilitatis Jud
icæ Babylonem est abductus, divino inter
stodix tenebras oborto lumine, scelerum su
rum immanitatem jam tandem agnoscere, et
testari, & amarissimis deslere lacrymis cap
Nec multo post libertati ac regno restitutu
qui populum prius pravo suo exemplo ad in
pia scelera pellexerat, jam totus à se divers
eundem ad pietatem & avitæ religionis cultu
reduxit. Sub hæc tempora Hebraza illa Judi
formæ & virtutis miraculum, de Holofer
Assyriorum Duce triumphavit: quo facto
pra sexum generosa virgo fortissima solum
in tentorio obruncavit, atque unico hoc i
hosti prapotentis, ac præferoci nervos om
incidit.

3. *Quis Manassi in regno successit?*

Amon filius, & ipse impiis procerum quor
dam technis ad immania scelera inductus,
vo etiamnum parente, quem secutus de
est peccantē, non item pœnitentem. Itaque
no regni secundo ab ipsismet domesticis
interemptus, ut eos haberet scelerum suor
ultores, qui ad peccandum fuerant concita
res.

4. *Num Josias quoque impii parentis ve
stigiis instruit?*

Minimè omnium; quin potius ad eximiam

tate

tem jam inde à teneris annis informatus, ve-
 Numinis cultum, à parente profligatum, in-
 aurandum ubique, & propagandum suscepit,
 solita omni penitus simulacrorum, rituum-
 ue sacrilegorum memoria. Obiit tandem ex
 ulnere Princeps religiosissimus anno regni
 igeſimo primo, mundi 3425. in expeditione
 contra Nechaonem Ægypti Regem, inconsulto
 EO, suscepta, longiore vita dignissimus; nisi
 opulus impius Rege tam pio indignum se-
 ridem reddidisset.

*Quæ tandem quatuor Regum, Joachazi, Joa-
 kimi, Jechonia, & Sedecie fuit fortuna?*

Joachaz, degener Joziæ filius, post trimestre
 imperium à Nechaone Ægypti Rege solio de-
 ctus, fratri Eliacimo, seu Joakimo, Regnum
 edere cogitur. Joakimus porro scelera sce-
 ribus cumulando impendentem dudum à re-
 no Judæico procellam in suum suorumque ca-
 ut celerius concitavit. Quippe Nabuchodo-
 osor, obsessâ repentè captâque Hierosolymâ
 regem estenis victum Babylonem abduxit,
 auloque post in regnum restituit, imperato
 rægrandi tributo, quod cum termino agrè
 solvisset, quarto post anno rebellare cœpit. De-
 uo igitur à Chaldæis captus, occisusque, ac
 extra urbis mœnia est projectus, feris & vo-
 rilibus in prædam cessurus anno regni un-
 decimo, mundi 3436.

Joakimo successit filius Joachimus, sive Jechonias, paternæ impietatis hæres, qui tertio post mense, quàm Hierosolymis regnare ceperat, cum matre, uxore; & regni primoribus omnique gazâ Babylonem est abreptus.

In hujus locum Matthanias, sive Sedecias, patruus est successus, qui impletâ tandem scelerum mensurâ, sibi regnôque toti ultimum accesserit exitium. Capta igitur à Chaldæis perdurissimam obsidionem est Hierosolyma, & nâ cum templo illo augustissimo incensa, funditus eversa; retractus è fuga Sedecias, jus liberi in parentis conspectu trucidati; Rex ipse oculis orbatus injectisque catenis, anno regni undecimo cum ingenti, nobiliorum profertim, caterva Babylonem est perductus, ubi in vinculis aliquantò post squallore & morte confectus contabuit.

Atque ita regnum hoc nobilissimum, perinde atque Israëliticum, tot scelerum gravissimum pondere concussum identidem & labefactatum, tandem omnino concidit anno mundi ter millesimo quadringentesimo quadragésimo sexto, (3446.) Post 70. annorum servitutem Judæis in sedes quidem suas remigrare cuit; semper tamen alienis deinceps domini subjecti, nec unquam sui ampliùs juris municipii fuerunt.

Observationes

Ad quintam Historiæ Bibli-
cæ partem.

*Quis terra illius à DEO promissa à primis regnè
exordinis status erat & conditio?*

regnante Davide, imò & Salomone, ant quam
his hic cupiditatibus regendum se tradidit,
regio illa totius orbis fortunatissima dici haud si-
c invidia poterat; at ubi regnum, imperantiam
recipue vitio, in Judaicum & Iræliticum
miscissum est, hoc idololatria corrupit penitùs
tque pessum dedit: illi contrà tamdiu sua ste-
t incolumitas, quoad Rex cùm populo supre-
ni illius Domini imperio se submittebat.

*2. Quinam Propbeta illis maxime temporibus
floruerè?*

Elías, Elifæus, Isaias, Jeremias, Ezechiel, Ose-
s, Joél, Amos, Micheas, Sophonias, &c: qui
agna virtutis æmulatione, & ardenti religi-
onis fervore incensì, in Regum æque ac popu-
i flagitia gravissimè invehebantur.

3. Cur DEUS illa tempestate tot Propheas misit?

Id nimirum summopere exigebat & homi-
num, & temporum illorum iniquitas, quan-
quam pauci admodum numerabantur, qui aut
eorum prædictionibus haberent fidem, aut
monitis saluberrimis morem gererent.

4. *Quæ potissimum causa fuerat scissi primùm, et lapsi penitus regnæ Israëlitiæ ac Judaicæ?*

Exaggerata criminum gravissimorum mole quæ uti priscis illis temporibus, ita hodieque in bes, regiones, ac florētissima regna pellundat funditūque evertere consuevit.

5. *Quis rerum in orbe reliquo cursus tunc erat?*
Regnum Assyriorum, Nabuchodonosore impante, summum gloriæ & potentia verticem attingerat. Græcia novis in dies incrementis agebat. Roma tenuibus, ut fit, initiis renata, sensim adolebat ad totius mundi imperium. Cæterum orbis propè universus veræ fidei lucem perotus, in densa errorum superstitionum caligine oberrabat.

P A R S VI.

De captivitate Babylonica, quæ exinde ad Hierosolymæ usque excidium sunt consecuta.

Quæ 4. sequentibus capitibus comprehenduntur, cum totidem mundi Monarchiis quodam modo congruunt; nam 1. captivitas Babylonica in ultima Monarchiæ Assyriæ tempora incidit: 2. ducenti & octo, qui à captivitate Babylonica fluxerunt anni, cum Persica: quæ proximè sequuntur, sæcula, cum Græca: 4. qui supersunt anni 29. ante, & 70. post

Christi

Christum natum, cum Romana concurrunt
monarchia.

C A P U T I.

De 70. annorum captivitate Ju-
æorum sub Monarchis Assyriis.

x. *Quid captivitatis illius tempore singulari
dignum memoriâ occurrit?*

Daniel Propheta admirabilem arcanorum cæ-
litium cognitionem & reconditam sapientiam
actus summa apud Reges illos pollebat aucto-
tate & gratiâ. Hic tenera etiamnum ætate in
captivitatem Babylonicam fuit abductus, ubi
variis utriusque fortunæ casibus jactatus, fir-
mus semper & immobilis perstitit, ac ne trans-
fersum quidem unguem à virtutis tramite un-
quam discessit, sapientiæ, fortitudinis, castimo-
niæ & integritatis miraculum.

*Cur Daniel à Nabuchodonosore tot tantisque ho-
noribus est cumulatus?*

Regi per quietem objectum erat somnium, cu-
jus ubi evigilavit, ita est oblitus, ut se tamen
omniâssè meminisset. Igitur ex hariolis tam
presumptum, quàm ejusdem interpretationem ex-
quiri. Cum ad postulatum tam insolens om-
nibus haberet aqua, Daniel de re tota divi-
nitus edoctus, somni totius seriem Regi enar-
tat: oblatam videlicet quiescenti fuisse statuam
præ-

prægrandem, cujus caput aureum, brachia
 pectus argentea, venter & femora ærea, tibi-
 ferrea cum pedum digitis partim ferreis, par-
 tim fictilibus, in quos incidens lapis, de mo-
 te sine hominum manibus avulsus, statuam
 tam contriverit penitus & comminuerit, in
 deque in montem excreverit tam vastum, in
 orbem impleret universum. Et capite quæ-
 dem aureo Assyrio-Babylonicum, pectore ar-
 genteo Persicum, ventre æreo Græcum, ac
 pedibus quæ ferreis, quæ fictilibus Romanum po-
 tendi imperium, hisque omnibus successurum
 regnum aliud longè augustius, stabilisque, u-
 pote in omne ævum duraturum, prioribus si-
 gulis in nihilum tandem abituris. Hac som-
 nystici interpretatione Rex totus attonitus
 Daniele, tanquam Deorum aliquem, pro-
 in terram vultu veneratur. Cùmque is hon-
 res hos non sibi, sed DEO soli deberi afflex-
 rasset, Rex præmiis cumulatum, cunctis B-
 byloniæ Provinciis præfecit.

3. *Quid de tribus Danielis sociis Anania, Azaria,
 Misaele, sive Sidrach, Misach, & Abdenago,
 divina tradunt. Litera?*

Hi nulla adduci ratione poterant, ut aurea
 Nabuchodonosoris statuam adorarent. Ig-
 tur tyranni jussu in formacem, septuplo veh-
 mentiùs atque alias consueverat, succensarum
 ligatis pedibus conjiciuntur; unde tamen is

plumes prorsus, ac, ne capillo quidem adu-
o, sunt egressi. 3456.

*Quam Daniel poenam superbo Nabuchodonosori
jubeundam praedixit?*

uturum, ut, qui divinos adeo honores affe-
tare ausus esset, infra homines abjectus, per
gros, sylvasque pecudum more vegetetur, ac
annis septem foeno bovis instar vescatur. Quam
praedictionem, mox rei veritas comprobavit.

464.
*5. Qua occasione Regi Balthasari imperii Baby-
lonici interitum denunciavit Daniel?*

is splendidissimo de nocte convivio affi-
ceret, sacras etiam patenas è templo Solymæo
ablatas, mensæ inferri, atque in honorem De-
orum suorum exsiccare jubet, ecce tibi! manus
d parietem juxta candelabrum, videntibus
unctis & cohorentibus exarat. Mann. Thest.
Phares. Cùmque horum vim ac sensum ver-
porum ne conjecturâ quidem assequi ullus
posset, Daniel protinus accersitus, Regi signi-
ficat, DEUM numerâsse annos, quibus regnâ-
et, operaque ejus omnia ad libram exegisse;
que tamen justo caruissent pondere: itaque vi-
tâ, & regnò, Medos ac Persas jam nunc divi-
dendo, exturbatum iri. Id quod eadem illâ
nocte factum, qua urbs Babylon capta ab ho-
ste, cadibus, rapinis, incendiis vastata, Rex-
que ipse temulentus cum suis est trucidatus.

6. Num Judæi captivitatis suæ tempore durius
 speriusque sunt habiti?

Quin potius leniter, clementerque fuisse acco-
 ptos, inde conjici posse videtur, quod eorum
 dem tribules, nempe Daniel, primus à Re-
 Nabuchodonosore, Ananias verò Azarias,
 Misàel provinciarum præfides & supremi tri-
 butualium præfecti fuerint constituti, atque
 deò non auctoritatem modo summam, sed im-
 perium quoque, servi licet & captivi, in su-
 osmet dominos, mirabili DEI dispositione, ob-
 tinuerint.

C A P U T II.

Judæorum res gestæ sub Monar- chis Persicis.

I. *Qua ratione Judæi à dururna suâ captivitate
 sunt exempti?*

Cùm Cyrus, primus Persarum Monarcha
 toto Babyloniorum imperio in ditionem su-
 am redactò, ex Judæis intellexisset, in sacri-
 corum voluminibus multò antè suam de Bab-
 loniis victoriam, & populi Judaici manum-
 lionem prædictam fuisse, publico diploma-
 potestatem fecit omnibus in patriam remigr-
 di, templique instaurandi, redditis, quæ in-
 directa erant, vasis sacris. Igitur anno 351
 quadraginta & amplius Judæorum millia Hi-
 rosolyam, Zorobabele ductore, sunt rever-

Penes quos Judæorum erat regimen post eorundem in patriam reditum?

Imperium summum penes Reges Persarum est, è quorum arbitrio, consensuq; Pontifices, Reges, & Magistratus suis è tribulibus deligendis Judæis permissum erat.

Quo tempore urbis Hierosolymitana mania reedificari capta?

Imperante Artaxerxe, quinto Persarum Monarcha, à quo Nehemias, Judæorum Dux, apud Regem gratosus, hanc tandem facultatem impetraverat.

4. *Quinam Judæorum Duces fuere sub Monarchis Persicis?*

1. Zorobabel. 2. Joachim. 3. Eliafab. 4. Esdras. 5. Nehemias. 6. Joiadas. 7. Jonathas, è quibus duo postremi cum suis successoribus Duces simul ac Sacerdotes fuerant.

C A P U T III.

Judæorum res gestæ sub Monarchis Græcis.

Memorandus hic 1. Status Judææ sub Alexandro Magno, 2. sub regibus Ægyptiis, 3. sub Monarchis Syricis, 4. sub Sacerdotibus, regibus sibi titulum vindicantibus.

§. I.

§. I.

Iudææ status tempore Alexandri Magni.

1. *Quem in finem Alexander cum exercitu Hierosolymam contendit?*

Statuerat omnino urbem hanc vi capere Alexander, quod Tyrum obsidenti annonam Iudæi mittere recusassent. Verum ad conspectum Jaddi, cum Levitis sacerdotali habitu obviam facti, totus repente immutatus, placatusque est.

2. *Quid Alexander Hierosolymis egit?*

Templum ingressus, supremo Numini ex summi Sacerdotis præscripto sacrificasse perhibetur. Ajunt quoque, ostensum illi Danielis brum, in quo Græcum quendam Persas delaturum vates prælagierat. Quam ille prædictionem de se ipso interpretatus est.

3. *Quanam Judæis ab Alexandri obitu evenerunt?*

Calamitates, ærumæque non leves ob Regum cum Ægyptiorum, tum Syriorum, Judæis id tempus dominantium, tyrannidem, perpetranda ipsi erant.

§. II.

Iudæorum varia fortuna sub Regibus Ægyptiis.

1. *Quis Alexandro æmortuo in imperio successit?*

Monarchia hæc distracta mox fuit in regna
 implura, quæ Ducum præcipui inter sese par-
 ebantur. Ex his Macedonicum, Ægyptium,
 Syrium præ cæteris eminebant.

2. *Quanam Onia & Simeonis Pontificum tempo-
 ribus gesta sunt?*

Colomæus Lagi filius, Syriâ, Phœnitiâ &
 Judæa cum urbe Hierosolyma sub imperium
 eum redactis, amplius centena Judæorum mil-
 lia in Ægyptum abduxit, è quibus triginta cir-
 ter bellatorum millia in urbium munitiorum
 castris collocavit; imbellem verò turbam se-
 tum, mulierum, adolescentium, militibus in
 servitutem tradidit.

Capitulum Superius

• *Num melioribus auspiciis Eleazarus Pontificæ-
 rum gessit?*

omnino; nam Pto omæus Philadelphus, qui
 Agidi parenti successerat, gentis Hebrææ per-
 udiosus, multo eam favore complectebatur.
 Sic conquestis undique libris Bibliothecam
 longè celeberrimam Alexandriæ adornavit,
 quam ut Hebraicis quoque voluminibus auge-
 ret, ab Eleazaro Pontifice mitti ad se petiit vi-
 ros apprimè peritos, qui sacros illos codices è
 lingua Hebraica in Græcam transferrent. Is
 duos & septuaginta Græcè simul ac Hebraicè
 doctos, nec virtute minùs, quàm eruditione
 præstantes è senioribus delegit, qui, licèt ex
 uctorum gravissimorum sententia separatis
 quis-

quisque cellulis inclusi essent, opus tam
hoc totum mirabili non sententiarum modo
sed verborum quoque consensione ita abic
verunt, ut singulorum exempla ne vocolâ q
dem inter sese discrepant. Quapropter R
admiratione & gaudio plenus, non modo à
dimisit, sed vasa insuper plurima ex auro arge
toque ad sacros templi usus liberali manu ad
cit, omnibus, quos parens ex Judæis captiv
detinuerat, libertate donatis.

4. *Quinam, Eleazaro vitâ & Pontificatu fu
cto, Sacris præfue e?*

Manasses, Eleazari patruus, hocque è viv
sublato, Onias II. qui sub Ptolomæo Phil
delpho, & Egypti Regibus statem degeba
tranquillam, & pacatam.

5. *Num aequè pacatus fuit Simonis alterius
Pontificatus?*

Huic multum negotii facefferat Ptolomæ
Philotor, Evergetæ filius, qui dum Hieros
lymam delatus, non templum modò, sed ip
quoque adyta, Simone Sacerdote frustra d
hortate; subire tentat, membris repentè om
bus dissolutis; divinitus inhibetur. Nec t
men, ubi se collegit, à proposito destitit; se
in Ægyptum cum atrocibus in Judæos mir
profectus, ad Ægyptios ritus indignissimis mo
dis quàm plurimos compulit, eos verò, qui
religione firmi perstabant, elephantibus cor
cul-

alcandos objecit. Cui spectaculo Rex ipse se-
 el, iterum ac tertio interesse statuerat; sed
 rimùm sopore divinitus immisso, tum mentis
 ienatione, ac tandem geniorum cælestium,
 ui minaci vultu spectabiles se præbuerant,
 interventu ab impio proposito abstinere coge-
 atur. Quapropter Judæos vinculis solvi, ac
 iam quemque domum repetere jubet.

§. III.

Status Judæorum sub regibus
 Syriæ.

v. Quid Onia III. Pontifice actum?

Cùm Seleucus Philopator, Rex Syriæ, ex-
 erfido transfuga intellexisset, ingentes opes,
 c thesauros in templo Solymeo reconditos
 ffe, Heliodorum, unum è proceribus suis Hie-
 osolymam misit, qui eas pecunias in regium
 rarium transportaret. Ac licet Onias dire-
 tori sacrilego pro virili se opposuerit; actum
 amen egisset, nisi eques cælestis cum binis
 editibus; à DEO submissis, Heliodorum fla-
 ris tam atrociter excepissent, ut is vitam ser-
 atam in lucro ponens, re infecta abire sit co-
 ctus. Onias porrò fraude atque invidiâ fra-
 ris sui, sacerdotio primùm dejectus, ac tandem
 Menelai, qui in Pontificatum se intruserat, per-
 idiâ, morte indignissimè est sublatus. Inde
 cclesia Judaica legitimis Sacerdotibus Sexen-
 ni-

nium orbata erat, donec scilicet Machabæi re-
tè succèssere.

2. *Quo in Judæos animo Antiochus Epipha-
nes fuerat?*

Iniquissimos; hinc cum Judæi Duce destituti e-
sent, horum provincias, collecto ingenti exer-
citu, invasit, irritatus maximè, quòd ejusde-
mortem, uti mendax fama sparserat, non luctu-
sed publicis gaudiis fuissent prosecuti. Exp-
latâ ergo Hieresolymâ, amplius ducenta Ho-
bræorum millia mactari jussit, haud multò pa-
cioribus publico in foro pecorum more ven-
expositis. Atque hæc præludia duntaxat er-
illius immanitatis, qua, biennio exacto, in Ju-
dzos desavit, quorum urbè primariâ rursus p-
direptâ & igne ferroque vastatâ, sub mortu-
pœna vetuit, ne quisquam legem de hinc Ma-
saicam profiteretur. Demum Jovis execrat-
di simulacrum in ipso templo adorandum præ-
posuit, addito severo, mandato, carnes ut eic-
porcinas immolarent, & immolatas absumerè-

3. *Quinam ex Judæis illustriora fortitudinis spec-
mina hoc maximè tempore edidère?*

1. Eleazarus, virtute ac senio venerandus, q-
pro avita religione mori maluit, quam iniqu-
simo Regis mandato in gustanda scilla more
gerere. 2. Septem fratres Machabæi; qui ur-
cum matre, ne supremi Numinis offensam i-
currerent, extrema quæque perpeti decrev-
re,

ob quam animi constantiam tormentis im-
 missis excarnificati, matre inspectante, fi-
 sique ad pugnam animante, gloriosa morte
 cubuere, quos demum & ipsa mater, heroi-
 tati invictissima, ad eandem martyrii palmam &
 triumphum secuta est. 3. Mathathias Macha-
 jus cum viginti quinque suorum millibus ty-
 luctano sese ausus opponere, in fortitudinis
 Expatriam prodit, nullis minis expugnabilis,
 ta Heix simul ac Sacerdos 3888.

*Quis Juda Machabaeo Duce, armorum successus
 fuit?*

gè optimus; nam is ingentes Antiochi co-
 rursus profligavit, non tam armis, quam caelesti-
 s supplicis, quas jejuniis ac precibus impe-
 bat, confusus. Antiochus, qui tunc bello
 tifico distinebatur, cognita suorum clade, in
 orem actus, consilium à celeritate capit, ra-
 hac una negotium confici, ipsamque Hie-
 olymam everti posse, si quam ocysimè re-
 suis afflictis praesens ipse succurreret, Ven-
 ia itinere viscerum dolore ingenti corre-
 us, furere simul ac vivere desit. Judas, Ni-
 tore quoque Antiochi Eupatoris Duce devi-
 , editoque non uno bellicae fortitudinis spe-
 mine, tandem in pugna pertinacissima con-
 Bacchidem, Demetrii Regis Legatum, vul-
 ribus mortique, non hosti succubuit.

5. *Quid Jonathas Judæ Machabæi frater præ-*
ri gessit?

Ductoris ille Hebræi simul, ac Sacerdotis
gnitate præfulgens, Bacchidem debellavit, m
tis in palmis ac trophæis inclytus. Tand
perfidiâ Tryphonis, Syrii Satrapæ, cujus p
missis plus nimio fidebat, occubuit.

6. *Cuinam, Jonatha sublato, Sacerdotis supre-*
dignitas delata est?

Simoni, Jonathæ ac Judæ fratri. Is præliis
liquot adversus Tryphonem prospere gestis
Ptolomæo genero, qui sacerdotali dignitati
hiabat, ipsas inter epulas, hunc in finem ad
natas, trucidatus est.

7. *Quis Simoni successit?*

Tertius ejusdem filius Joannes à domita H
cania, ut quidam volunt, Hýrcanus appellat
Huic satis quieto esse licuit, quòd finitimi l
ges Syriæ atque Ægypti, duo antehac Judæ
rum flagella, aliis essent curis armisque dist
cti. Sacram juxta ac profanam Rempubli
annū unum & triginta felicissimè administra
rerum gestarum famâ clarissimus, quem à P
riseorum secta ad Sadducæos transisse Josep
Hebræus testatur.

§. IV.

De Statu Judææ sub Pontificib

Re-

Regium sibi Titulum vindican-
tibus.

Quis post captivitatem Babylonicam Regis titulum sibi primus adscripsit?

Aristobulus Hircani filius, summus Judæorum sacerdos, regia insignia primus post Sedeciam cepit. Solum ut stabiliret, matrem in vinclis fame enecuit, & fratrem Antigonom, quam regis Pontificisque dignitatis amicum, ambitiosæ potissimum conjugis machinatione, è medio sustulit, reliquis fratribus detentis in custodia. Uno duntaxat anno Judææ regnavit, iterata sanguinis execratione eo ipso loco, ubi fraterno cruore manus imbuisset, extinctus. 3951.

Quis ab hujus obitu regnum cum Pontificatu obtinuit?

Alexander Jannæus, à Salomé (quæ & Alexandria dicta est) Aristobuli fratris sui uxore è carcere evehæus ad solium, quod horrendis postea actibus summopere funestavit; nam triginta annis quadragenis Judæorum millibus sexennii spatium contrucidatis, octingentos insuper Judæorum Procures, qui ejus tyrannidem palam improbaverant, crucibus affigi & in eorundem conspectu uxores ac liberos mactari jussit. Tandem lentis febribus, ex intemperantia contractis, miserè consumptus interijt anno ætatis dequingentesimo. H2 3.

3. *Quis tyranno huic successit?*

Salome Jannæi conjux; quæ, post nonum gubernationis annum, filium natu majorem, Herodæ canum H. qui jam ante Sacris præerat, Regem constituit.

4. *Qualis fuit Hyrcani gubernatio?*

Varia & inconstans: cum enim regni negotia remissius curaret. Aristobulus frater illum in regnum visum, regno exiit. Verum Pompeius Romani exercitus dux, capta Hierosolyma, Hyrcano Pontificatum cum regno restituit, Aristobulo cum filiis Romam abducto.

5. *Quid Pompeius memoratu dignum gessit in Templo Solymeo?*

Postquam illud vi expugnauit, duodecim quidem Judæorum millia interemit; ex eo tamen nihil quidquam abstulit: imò nec Sacerdotum sacris operantes ob Templi reverentiam perturbauit.

6. *Quis Machabaorum ultimus regnavit?*

Antigonus, Aristobuli filius, Romano è carcere elapsus, ob arrogatum sibi Regis titulum Senatu artibus Herodis, hostis reipublicæ claratur, ac in publico foro Antiochiæ, sepe percutitur, Machabaorum è gente Rex ultimus, atque infelicissimus. 4014.



C A P U T IV.

De rebus Judaicis sub Romanis
imperatoribus.

*Quando Judæa in Romanorum potestatem ac di-
tionem redacta est?*

tempore Judæ Machabæi Romanis fædere
idem juncti erant Judæi, non tamen subjecti.
ubi Hyrcanus, à fratre regno privatus, ope
pompeii illud precario recepit, Judæa suam a-
iisit libertatem, Romanis supremum in Judæos
omniaatum nunquam amplius dimittentibus.
aque Judæa idem, quod aliæ hactenus Pro-
nciæ, experta est, Romanos, ex armorum for-
is demum fieri populorum dominos.

Quis, extinctis Machabæis, Judæam rexit?

Herodes Magnus nomine, flagitiis maxi-
us. Hic etsi ortu Judæus non erat; suis ta-
en assentionibus, & largitionibus immen-
ab Augusto regnum obtinuit. 4017.

3. *An Herodes, ejusque successores. Supremi e-
rant Judææ Domini?*

antiquam: secus enim Judæa in censum non
enisset, cum Augustus orbem universum, in
omnium ditionem redactum, describi jus-
t, Parebat ergo Herodes Romanis, ut adeo
egis appellatio multum splendoris, potentie
rum haberet.

4. Quo regnante *Servator mundi in lucem* editus?

Herodes Judææ tunc imperabat; qui, cum tribus Magis cognovisset, novum Judæorum Regem natum esse, sceptro suo metuens, omni circa urbis Bethlehemiticæ confinia, parvuli biennium nondum egressos, eadē inaudita singulari præcepit. Quo audito Augustus dixit se fertur, malle se Herodis esse porcum, qui filium: à porcorum enim eadē & sanguine Herodes, utpote profelytus, religionis obrentu stinebat, non item ab hominum cæde.

5. *Quenam alia Herodiana crudelitatis monumenta exstant?*

1. Mariamnem conjugem, Principum Marianarum decus. 2. Alexandrum socium eius filio. 3. Aristobulum, Alexandrum & Antipatrum filios suos. 4. Judæorum optima obtruncari iussit, addito etiam, cum de vœ conclamatum jam esset, crudeli imperio, ut omnis Judæorum nobilitas, minacibus edictis urbem Jerichuntinam convocata, circoque amphitheatrali inclusa statim ab obitu tuo occideretur, ne videlicet sine publico, saltim ob aliorum cladem, luctu efferretur.

6. *Quas pœnas Herodes etiamnũ in hac vita dedidit?*

Postquam cum innumeris gravissimisque infirmitatibus diu est conflictatus, tandem mor-

pediculari, inter intolerabiles putrescentis
 rporis factores miserandum in modum absum-
 um est hoc generis humani probrum, omni-
 que flagitiorum monstrum.

Quinam ex Herodis stirpe Judæa gubernarunt?
 Tres Herodis filii, Archelaus, Philippus &
 Herodes Antipas, qui ultimus Joannem Bap-
 tam, incestas nuptias exprobrantem, obrun-
 avit: Servatorem verò nostrum, cum nullum
 eo, uti speraverat, impetraret prodigium,
 istar emotæ mentis hominem ludibrio habuit.

Quo tempore Servator noster cruci est affixus?
 Anno ætatis trigesimo quarto, Tiberio im-
 perante, & Pontio Pilato Judææ præfecto.

*Quid acta Apostolorum memorant de Herode
 Agrippa?*

uit is Herodis Magni nepos, juratus Christi-
 norum hostis. Jacobum, cognomine Majorē
 Hierosolymis capite minuit, idem supplicium
 rogaturus Petro, nisi hunc Angelus, catenis
 solutum, eduxisset, è carcere. Porro Herodes
 hic eò dementiæ venerat, ut Cæsarzæ in ludis
 solemnibus majorem homini mortali sui ve-
 nerationem prætedens, Deum se ab insana ple-
 be adorari sit passus. Verùm scenicum hunc
 DEUM vindices à DEO immissi vermes haud
 multò post inter atrocissimos dolores, ita depa-
 scebant, ut ne hominis quidem speciem refer-
 ret.

10. *Quis Regum Judææ postremus fuit?*

Agrippa, Herodis Agrippæ filius, quem Judæi excitato contra Romanos tumultu, primò Hierosolymâ, mox toto regno expulerunt. Sed regnum Judaicum pænitus extinctum, & translatum est ad Romanos, Hierosolymam, & omnem Judæorū gentem non multò post exci-
suros.

11. *Quomodo Patriarcha Jacob vaticinium*

Non auferetur sceptrum de Juda, & Dux de femore ejus, donec veniat, qui mittendus est
fuit impletum?

Jam inde à Davide Reges Ducesque Judæarum omnes è Judææ tribu orti erant usque ad Machabæos. Hi verò, licet è tribu Levi, non potè Sacerdotes & filii Aaron, oriundi esse censentur tamen, vocabanturque Judæi, partim ob genus maternum, quod ad Judam referebant; partim ob infusionem & quasi adoptionem in Judææ tribum, quæ à reditu è Babylone Imperium non modò in Judæos, & in alios ex aliis tribubus in patriam reversos, communi exinde nomine Judæos appellari solitos, sola retinuit, donec illud Machabæis heroicam prorsus eorundem fortitudinem detulit. Hi porrò tandiu rerum sunt potiti, quoad sceptrum Juda translatum est ad Herodem alienigenam, quo regnante natus est Christus.

Observationes

de sextam Historiæ Biblicæ partē.

I. *Quisnam sexta illa mundi ætate status erat
Reipublicæ Judaicæ?*

Regimen Politicum à tempore captivitatis Babylonice plurimum de splendore pristinae dignitatis amisit: cum exinde Judæi nunquam amplius sui juris, sed primò Assyriorum, Baby-
loniorum, deinde Persarum, tum Græcorum, ac
postremum Romanorum aut servi, aut stipendiarii
fuerint. Toto tamen tempore illo, quod sub
idololatrarum potestate erant, ab idolorum
cultu alieniores fuerunt, sive quod Sacerdotes
reipublicam tunc administrabant, sive quòd
perpetua illa 70. annorum vexatio & præcisã
reinceps libertas ad laniora eos compulere.

2. *Quis reliqua in orbe rerum cursus erat?*

etpubl. profana aliam atque aliam faciem in-
ventidem induebat, DEO, propter imperanti-
um maxinè flagitia, regna atque imperia à
gente in gentem transferente. Sic Monarchia
Assyriorum post Sardanapali interitum divisa
fuit in regnum Medorum, & post annos ferè
centum in imperium Assyrio-Babylonicum,
donec sublato Balthasare tota hæc Monarchia
translata est ad Persas, ab his post annos du-
centos & octo ad Græcos, à Græcis post terna
secula tandem ad Romanos. Ex omnibus por-

rò his regnis amplissimis & potentissimis cultus veri Numinis exulabat, idololatria ubique dominante.

3. *Quinam Propheta id temporis in Judea floruerunt?*

Post captivitatem Babylonicam Aggeus & Zacharias, & post hos Malachias vaticinatus est, cujus obitu publica Prophetarum oracula luere per annos propè quingentos, quod Patris æterni Verbum & Prophetarum Dominum hunc in mundum ipse adventaverat.

4. *Qui, qualesque Machabei fuere?*

Hi, ex illustri Judæorum prosapia oriundi, erant simul ac profanam Rempublicam, à Mathathia ad Herodianos usque, moderabantur.

Appendix

De excidio urbis Hierosolymæ

1. *Cur Argumentum hoc annectitur narrationibus Biblicis?*

Quia ordo, seriesque historiæ exigît, ut si populi à DEO electi fortunam utramque ipsis primordiis percensuimus, ita exitum quoque memoremus; qui quàm luctuosus fuit inde patet, quòd ipsi DEI filio lachrymas presserit.

2. *Quenam tragici hujus excidii causa erat?*

Non tam rebellio contra Romanos, quàm m

si Auctori vitæ Christo illata: hinc Christi cultores, ne eâdem cum Judæis ruinâ involerentur, divino oraculo moniti, in tutiora se impetivè receperunt, futuri spectatores & testes scenæ luctuosissimæ, quam divina Nemesis adornavit, ad divinitatem Christi, tum ex horrendis Judæorum suppliciis, tum ex divinis oraculis, ad literam completis, comprehendendam.

3. *Cur per Romanos urbs excindenda fuerat?*

Quia Judæi, repudiato vero suo Rege ac Messia Regem se alium nisi Cæsarem habere uno ore conclamârunt, atque hac demum ratione præsidem Romanum ad Christum, quem omnino insontem palam pronuntiaverat, occidendum perpulerunt. Plecendi igitur erant per Cæsarem, quem Regi, ac Messia suo impie prætulerat. Ne verò Judæi urbis suæ excidium adscriberent Romanorum furori, DEUS iustitiæ suæ instrumento usus est Tito, mitissimi ingenii Principe, qui, post honestissimas, quas non semel obtulit, urbi delendæ conditiones rejectas, cælum terramq; contestatus est, invitum planè compelli se ad urbem ac templum evertendum.

4. *Cur pœna hac Judæis non illico post Christi mortem fuit inflicta?*

Quia Nemesis divina lento plerumque passu graditur, & diu antè, quàm feriat, minatur. Hinc ut spatium resipiscendi suppeteret, ostenta

ta quædam, tanquam futuræ cladis præludii
antecelsere.

5. *Quenam illa?*

1. Cometes horrificus anno toto, fulgurant
instar gladii, urbi impendens, 2. Lux ingen
solari similis, circa templum dimidiæ horæ sp
tio noctu effulgens. 3. Porta templi ærea, vi
à viginti viris claudenda, nocte concubia u
trò patefacta. 4. Consecti in aère currus
gnei, & infectæ præliantium acies. 5. Audit
in templo vox horribilis Angelorum clamant
um: *Migremus hinc!* 6. Vir è plebe, cui Jer
nomen, per annos septem urbem circumcur
fans, & die noctuque ingeminans: *Val. ra. Hic
rosolymis!*

6. *Quando, & à quo urbs oppugnata est?*

Anno à Christi morte trigesimo septimo Ti
tus, Romani Imperatoris Vespasiani filius, ipse
feriis Paschalibus in summa hominum celebr
tate urbem repente obsedit. Atque ut hæc
DEI cæde contaminata civitas vinceretur sa
pius, funditusque eveteretur, post intestin
bella, factiones cruentas, mutuas civium &
Sacerdotum strages, ipsiusque Summi Pontif
cis cædem, post annonam in plures annos
suffecturam fortuito incendio absumptam, or
tamque inde famem, & ex hac pestilentiam a
trocissimam, quarto obsidionis mense capta pr
mò est urbs inferior; binisque post diebus Tem
plum, contra Titum edictum igne, nulla ve

Imperatoris diligentia, vel ope humana sopi-
 endo, conflagravit, ac tandem urbs superior
 recuperata est, omnibus, quæ illuc tanquam in
 locum tutissimum comportabantur, ferro flam-
 aque abolitis.

7. *Quid in tristi hac urbis excisione præcipua
 consideratione dignum?*

Pœna talionis, qua Nemesis divina in Ju-
 deos Deicidas animadvertit. Nam 1. in Oli-
 veti monte initium olim datum erat sacrilegæ
 immanitati, qua Christus latronis instar à
 militum cohorte fuit comprehensus; eodem-
 que in loco urbs coronâ cingi capta. 2. Chri-
 stus ipsis feriis Paschæ ab innumerabili mul-
 tudine ad diei festi celebritatem Hierosoly-
 tanas convolante, circumfessus, probrorum, con-
 tumeliarum, & tormentorum acerbissimorum
 obopos fuit; iisdemque feriis, quibus vicies cen-
 tena & septingenta millia Judæorum in ur-
 em, velut omni jam periculo securam, con-
 uerxerant, hæc arcta undique obsidione pres-
 sa & coangustata fuit. 3. Christus venditus est
 30. argenteis; unico dein denario venditi 30.
 Judæi, è quibus 30. millia hoc pretio veniére.
 4. Christus à Judæis captus est; capti quoque
 sunt nonagies septies mille Judæi, 5. Christus
 rætæ custodiæ est inclusus; Judæi, ne quis ela-
 pi posset, novo muro tantam urbem ambiente,
 qua-

quasi indagine, ferarum instar, fuere conclusi
 6. Christo ardentissima siti excruciato fel
 acetum propinabatur; Judæi, rabida fame sit
 mulante, eò adgebantur, ut calceamenta, cir
 gula, scutorum coria, fimum & fædissima qua
 que, imò & humanas carnes avidissimè vorar
 rent. 7. Christus omnibus ludibrio fuit, ac de
 spectui; perfida Judæorum gens adeò con
 tempta ubique & conculcata jacet, ut probr
 sius propè sit, esse Judæum, quam furem
 latronem, hæreticum, aut gravissimis quibus
 que flagitiis notatum. 8. Christus fuit cruc
 affixus; horum amplius quingenti quotidie in
 crucem sunt acti, ut jam spatium deesset cru
 cibus, & corporibus cruces. 9. Christus tan
 dem à Judæis est occisus; Judæorum in illa ob
 sidione undecies centena millia interiisse di
 cuntur.

8. *Quæ Judæorum post eversionem fortuna?*

Secuta est servitus secundum Danielis vatic
 nium nunquam desitura. Unde exuti tem
 plo, sacrificiis, errabundi, extorres, sine lege
 sine rege toto vagantur orbe, perpetuo no
 tati stigmatè, repulsi à Magistratibus, aliisque
 publicis officiis & dignitatibus, veluti orbis to
 tius purgamenta & carcinomata.


9. *Nunquamne templum instaurare sunt
 aggressi?*

Teutârunt id semel atque iterum, sed maximo
 suo periculo & detrimento; nam dum, impe-

nte Hadriano, anno post Christum natum
 entesimo trigesimo quarto novas idcirco tur-
 as concitarent, centum Judæorum millia oc-
 sione deleta sunt, reliquis penitus profliga-
 s, perque orbem universum dispersis. Ad
 ec cum circa annum Christi trecentiesimum
 xagesimum tertium, favente Juliano Apo-
 ata, templo instaurando manum admoverêt,
 ammei globi è fundamentis erumpentes, in-
 rumenta fabrilia absumpsère, & rubræ cru-
 es in operarum vestibibus conspicuæ, captis
 sistere, crucisque trophæum circumferre vel
 avitos compulère.

Atque hunc tandem exitum habuit Respu-
 lica Hebræorum, post tot vicissitudines popu-
 , antea à DEO electi tot contra hostes prodi-
 is servati, singulari Numinis tutela protecti,
 c demum à DEO penitus reprobati uti mul-
 s antè sæculis Daniel prædixerat c. 9. *Et*
vitatem, & Sanctuarium dissipabit populus cum
uce venturo, & finis ejus vastitas, & post finem
lli statura desolatio.







50.

2.

3

Ca
Libria Josephi Juchaczki

Biblioteka Jagiellońska



stdr0022057

